

ርእሰ ኢሰያስ አፈወርቂ፡ ምን ናይ መስር ዝያረቱ ዐዱ አቅበለ



ርእሰ ኢሰያስ አፈወርቂ፡ እብ ዐዘመት ርእሰ ዐብዱልታሕ አልሲሲ እት ጅምሁርየት መስር ናይ 5 አምዕል ዝያረት ሸቀል እንዴ አትመመ፡ ማሌ ዮም 4 ኖቬምበር ዐዱ አቅበለ፡

ርእሰ ኢሰያስ አፈወርቂ ወርኢስ አልሲሲ፡ እት ዮም 30 አክቶበር እት አልቃህራ እት ህለ ዴዋን ሕክመት ‘አልአተሓድዮ’ እት ወደወ ህድግ፡ እት ተጠወር ዕላቃት ወሰደይት ክልኢተን ለድወል፡ ክምሰልሁም ናይ ሕበር አህምየት እት ለቡ ተጠወር መንጠቀት ህድገው፡

እት ወዘራእ ካርጃየት ክልኢተን ለድወል ለሻረከው እት ህድግ፡ ርእሰ ኢሰያስ ወርኢስ አልሲሲ፡ ታሪካይት ዕላቀት ኤራትርየ ወመስር፡ ቀደም እለ

ለትበጸሐ እትፋቅ ወለ ገአ መፋህማት ወሄራሩ እንዴ ጌመመው፡ እት ለትፈናተ መጃላት ለገብእ ሰደይት ሸራካት እግል ልደቅብ ትፋህመው፡

እት ቀድላት መንጠቀትን እብ ዓመት፡ እት ቅደይ ሱዳን፡ ሶማሊ ወመስከብት በሐር ቀሪክ ህዬ እብ ናንቲይ እንዴ ረከዘው እት እግሉ ወደው ህድግ፡ ለህሌት መቅደረት እንዴ ትመቃረሐት፡ እት ሐሸሞት ወሐደት፡ ክምሰልሁም ሰላም ወመስከብት ናይለ ድወል ለህሌት ናይ ሕበር ሩእየት እግል ትትአከድ እብ መትሐሳር እግል ልትከደም ትፋኑው፡

እምበል እሊ፡ ርእሰ ኢሰያስ አፈወርቂ እት ዮም 1 ኖቬምበር እት ገአ፡ 39 ሜርሐት ድወል ወሕኩማት



ለብእቶም ወካይል 79 ደውለት እት ሻረከው እት መናሰበት፡ “ለዐበ መትሐፍ ምስር” ዲቡ ሻረከ፡

ርእሰ ኢሰያስ ምስል መርከዝ ተለፍዝዮን ‘ካይሮ ኒወሰ’ እት ወደየ መቃበለት፡ ኤራትርየ ወምስር ምን ወክድ እት ወክድ፡ እት ትጠወር

ትመጽእ ለህሌት ታሪካይት ዐላቀት፡ ክምሰልሁም ናይ ሕበር ሩእየት እት ለትፈናተ ናይ መንጠቀት ወእድንያይ ቅደይ ክምሰል በን እት ሸርሕ፡ እት መንጠቀት ቀር አፍራቃ ልትርኤ ለህለ መትአታይ፡ አግደ አሰባብ ኢመስከብት ሰበት ቲ፡

ድወል መንጠቀት ሰላም ወመስከብት ደማን እግል ልርከበ እብ ሕበር እግል ልክደወ ወጅህደን እግል ለአትመቃረሐ ክም ወጅበን ወደሐ፡ ወዘር ካርጃየት፡ አሰይድ ዐሰማን ሳልሕ፡ ምስል ርእሰ ኢሰያስ አፍወርቂ ሱፋር ዐለ፡

መዳርስ አስመራ፡ ደረሰ ፈዳብያም ጀዋእዝ ነስአው

እት ምዲነት አስመራ ለህለየ መዳርስ አዱሲሲ፡ አልአመል፡ ዳሉል፡ ማይ-ተሰፋ፡ ሞዴል ወፈለጌ-ሂወት፡ እት እምተሓን 8ይ ፈሰል ሰነት ድራሰት 2024/2025 ንቀዋ ወቁል እግለ ሰጀለው 99 አዋልድ ለብእቶም 157 ደረሳህን፡ እት ዮም 1 ወ2 ኖቬምበር ጀዋእዝ ሀበዩ፡

እብ አሳስ እሊ፡ መክተብ ተዕሊም ቅብለታይ ምፍጋር ጸሓይ ዝያድ 90% ለሰጀለው ደረሰ ጀዋእዝ እግል ልትሀበዩ እት ገአት መናሰበት፡

መደረሰት ምግባይት ደረጃት አዱሲስ 47፡ መድርሰት አወላይት ወምግባይት ደረጃት አልአመል ህዬ 17 ደረሳህን ጀዋእዝ ነስአው፡

ሕድ እበ ሸብህ፡ መድረሰት ምግባይት ደረጃት ዳሉል 27፡ መድረሰት አወላይት ወምግባይት ደረጃት ማይ-ተሰፋ 28፡ ክምሰልሁም መድረሰት አወላይት ወምግባይት ደረጃት ሞዴል 38 ደረሰ ጀዋእዝ ክም ሀበዩ ተአመረ፡

እለ ፍገራት እለ ምስል ናይ

ደዓም ሰነት ድራሰት ትትርኤ እት ህሌት እብ 4% ዐቦት ክም አርኤት፡ መስኡል ዕሉም ድራሰት መምህር ግርማይ ዓንዱ እት እግሉ ቀደመ ተቅሪር ሐበረ፡

እምበል እሊ፡ እት ምዴርየት ቲራቮሎ ለህሌት መድረሰት አወላይት ወምግባይት ደረጃት ፈለጌ-ሂወት እት ዮም 2 ኖቬምበር እት ወዴተ መናሰበት፡ 85 ምእታይት ወዝያዳህ ለሰጀለው 31 አዋልድ ለብእቶም 60 ደረሳህ አድሐረት፡

ተበረዓት፡ እግል መትረሻድ ሰንዱቅ እማነት ሹህደ

እት ለትፈናተየ ድወል ለነብሮ መዋሂን፡ ሰንዱቅ እማነት ሹህደ እግል ልትረዘቅ ወዓይላት ሹህደ እግል ልትሰደየ ማል ክምሰል ትበረወው፡ ወዘረት ዐመል ወመንገፎ እጅትማዕየት እት ኤሪን እተለ ነድአቲ ተቅሪር ሐበረት፡

እብ አሳስ እሊ፡ ኤራትርየን ሰነን መዲነት ኖርሾፒን ወደዋራተ-ሸዌደን 91,676 ነቅፊ፡ ጃልየት ሰነን መዳይን ሶዲርሃም ወቦልናሰን

ወደዋራተ- ሸዌደን 40,935 ነቅፊ፡ ሕሱራም አርትርየን ሰነን መዲነት ሼሰትሮሰ-ሸዌደን 2,235 ዩሮ፡ ጃልየት አርትርየን እት ቲሬምሶ-ኖርወይ 31,800 ነቅፊ፡ ጃልየት አርትርየን እት ካልጋራ ከነደ ህዬ፡ 17,400 ዶላር እግል ሰንዱቅ እማነት ሹህደ ትበረወው፡

ሕድ እበ ሸብህ፡ እብ ሰሜት “ER-ITREA RED SEA PALTAK” ለልትአመሮ መዋሂን ሕሱራም ሰነን

ጀርመን 4,300 ዩሮ፡ መሕበር ተዓወን ኤራትርየን እት ቱቢንጌን ወደዋራተ 2,160 ዩሮ፡ ሰነን ኒብሮን ወደዋራተ-ሸዌደን 1,440 ዩሮ፡ ጃልየት ኤራትርየን እት አላሳንኬር- ነርወይ 20 ሸሕ ክርኤር፡ አሰይደ ሸዋይኔሽ ኒጋሽ እብ ሰሜት መርሐመት ጽገወይኒ ንጉሴ 20 አልፍ ነቅፊ፡ ክምሰልሁም ሰነን መዲነት ዜሰትሮሴን ወደዋራተ-ሸዌደን 14,303 ነቅፊ፡ እግል መርዒት ዓይላት ሹህደ ትበረወው፡

ከበር እስትሸሃድ

ገዲም ሙናድል-ሌቴናል ኮሎኔል ግዴምን ገብረእግዚአብሄር ጎብዜ እበ ዐለ እቲ ሕማም ማርዒት እት ገብእ እሊ፡ እት ዮም 30 አክቶበር እት 71 ሰነት ዕምሩ አስተሸህደ፡

እት ሰነት 1074 እት ቅዋት ሸዕብየት ተሕሪር ኤራትርየ ለተሓበረ ገዲም ሙናድል ግደውን፡ እት ንዓል ተሕሪር እት ጃሽ ቅታል ወቅስም አምን፡ ሐቆ ሕርየት ህዬ እት መክተብ አትመቃረሐት ሕፍዝ ሰላም ክምሰልሁም እት ቅስም ኢሚግሬሽን ወጅንሰየት እብ ለትፈናተ መስኡልያት እግል ሸዕቡ ወወጡት እብ መትሰባል ለከድመ መሐርባይ ቲ፡

ሌቴናል ኮሎኔል ግደውን፡ በዐል በረዕ ወአብ 3 ወላ’ድ ቲ፡

ዓደት ቀብሩ ህዬ፡ ዮም 2 ኖቬምበር አድህር፡ እት መቅበረት ምሐርበት አስመረ ተ’መት፡

ቅስም ኢሚግሬሽን እብ እስትሸሃድ ገዲም ሙናድል ሌቴናል ኮሎኔል ግደውን ገብረእግዚአብሄር ጎብዜ ለትሰመዐሮ ሐዘን እት ሸርሕ፡ እግል ዓይለቲ፡ መልህያም ንዳሉ ወመሻቂቲ “ኤማን ወሰብር ለሀበኩም ልብል፡



ልኡክ ጅምሁርየት ግብለት አፍሪቀ፡ አካናት ዐማር ልትዛየር

እብ ናእቡት ወዚር ዕላቃት ካርጅ ወመዓወነት ሚስ እነ ታንዲ ሞራክ ለትመርሐ ልኡክ ጅምሁርየት ግብለት አፍሪቀ፡ የም 31 አክቶበር እት አቅሊም ግብለት ለሀላ አካናት ዐማር ጀውለት ወደ።

ለልኡክ እብ መመቅርሐይ ሸቅል መሰሰት አዘርአት ወእንሱስ ኤሪትርየ ሚጀር ክብረአብ አብርሃም እንዲ ትመርሐ፡ ዲብ መሸርዕ ሐርስ ሐልሐሌ ገብእ ለሀላ፡ አካል፡ ፈዋክህ ወትዋብ ሐ-ጋሙስ ለከምከመ ዐማር ሐርስ

ጋኒሐ ወእብ ሰብ-መቅድረት ሸራሕ ተሀየቡ። ክምሰልሁመ ከዋን ም'ሰላም በጽሐ።

እምበል እሊ፡ ለእብ ናእቡት ወዚር ዕላቃት ካርጅ ወመዓወነት ለትመርሐ ልኡክ፡ እት የም 30 አክቶበር ምስል ወዚር እዕላም አሰይድ የማኔ ገብረመስቀል፡ ዲብ ስትራቴጂያይ መሕበራይ እትሳላት፡ ጠወርት ዕላቃት፡ ምስል መስኡል መርከዝ ክስኢት ረአሰማል ኤሪትርየ ዶክተር ወልደይ ፍጡር ሆይ፡ ዕላቃት ሸራከት ወመትሰዳዳይ እግል ልግባእ ዲቡ ለቀድር

መጃላት እቱ ለረከዘ ህድግ ወደ።

ለልኡክ እት የም 29 አክቶበር ቱ ኤሪትርየ ለአተ። ርእሰ ኢሰያስ አፈወርቂ ዲብ ዐዲ-ሀሎ እንዲ ትከበተዩ፡ ፍንጌ ኤሪትርየ ወጅምሁርየት ግብለት አፍሪቀ ለጸንሐ ዕላቃት ወመዓወነት ዝያድ እግል ል'ተረድ እበ ከሰሰ ሆይ ህድግ ምስሉ።

ዲብል ጀውለት ወህድግ፡ ሰፊር ጅምሁርየት ግብለት አፍሪቀ ዲብ ኤሪትርየ ሚስተር ፐርሲ ኩምሸ ሓድር ዐለ።



ሰላሊ አክሊሉ ዘርእዝጊ

እሰብዳልየትሐሊበት፡ ኤርትርየን ወውላድ ጀርመን ፍንቱይ-ዐመልያት ዐጭምት ወዱ

ዲብ መርጅዕየት እሰብዳልየት ሐሊበት፡ ኤሪትርየን ሰብ ምህነት ዐመልየት ወምን ጀርመን ለመጽአው አንፋር ሐሽም ሐካይም 'አርከመድ' ለሻረከው ዲቡ፡ መቅደረት-ፍንቱት ለጠልብ ዐመልያት ዐጭም፡ ምን የም25 አሰክ የም 31 አክቶበር ገብእ።

ለዐመልያት ወፊዝየትራፒ ለከምከመ ከደማት፡ ቀደም እለ ፍሕስ ለገብእ ዲቦም፡ እብ ብቅት ለጀሬት ስብሮ ለሳደፊዮም ወምን ጠቢዐቱ ኢገበዩ ለነሰአ (ኢግዛም ሸክል) ዐጭም ለዐለ እግሎም፡ ክምሰልሁመ ዐመልየት ሻፍገት ለተአትሐዝዮም ምን 15 ሰነት ወተሐት ለዕምሮም 25 መዋጥንእቶም ክም ገብእ፡ ዲብለ



ሰላሊ ዘዘር ሰዓድ

እሰብዳልየት መስኡል ቅሰም ዐጭምት ወአሰዑድ ዶክተር ዩኤል አብርሃም ሐበረ።

አንፋር ሐሽም ሐካይም ዐመልየት 'አርከመድ'፡ እት ሰነት ክልኤ ዶል እት መጽኡ፡ እብ ፍንቱይ ዲብ ዐመልየት ዐጭም ናይ ነኦይሽ መባደለት ተጃርብ ወሰዳይት አላት ክም ወዱ ለሐበረ ዶክተር ዩኤል፡ ምስል ብዝሐ ለልትዓለጅ፡ ሕዱድ ወቅት ወመሻክል ብዝየት ተሕትየት ዶል ልትረኤ፡ ለትትሐመድ ፍገሪት ክምበ አብርሀ።

ነርስ ውነሽ ተሰፋይ እብ ጀሀት፡ ሰዳይት ሐሽም ሐካይም ጀርመን፡ ለእብ ሰብብ ብዝሐ ሐማይም ለተሀሌ ከባደትለ ወራት እት አቅለሎት ምህም

ክምተ እንዲ ሐበረት፡ ኤሪትርየን ሰብ ምህነት እግል እሉ ረክበው ተጃርብ ወመትዐዳይ ዲብ ቴክኖሎጂ እት ዐመል እግል ልሸቀው እቡ፡ መጃል እግል ልጥፋሕ እግሎም ትፋኔት።

ወኪለት ሐሽም ሐካይም ዐመልየት 'አርከመድ' ነርስ ክሰኝ ሸታድልኡባ እብ ጀሀት፡ ምስል ሕክምኑ-ዐጭምታት ለትጸባዦ ፍንቱት መቅደረት-ዐመልየት እተ ለሐዜ መጃላት ሰዳይት ክም ለሀይዞ እንዲ ሐበረት፡ እሊ ለሸብህ ወራታት ዲብ መትባዳል አምር ወተጃርብ ዶር ውቁል ሰበት ቡ፡ ኤሪትርየን ሰብ-ምህነት ዲብ መስተቅበል ርሐም እንዲ ቀድረው እግል ልሸቀው ልትከደም ክም ህለ ሐበረት።

ጋሽ-ለዓል፡ አካል እት ወክዱ እግል ልእቴ መትፋቀዲ ትቀደመ

እት ሙዲርየት ጋሽ-ለዓል ፈድ'ለ ዐለት ከረም ቅዝር አካል እት ሓለት ሰኔት ሰበት ሀላ፡ ሐረሰቶት እተየም አሰክ ከምትቶ መታበዐት እግል ሊደው ወደለ ተ'መ እግል ለአቱ መትፋቀዲ ትቀደመ።

መስኡል ውሕደት ዐማር

እቅትሳድ አሰይድ በረኸት መሓራ፡ የም ዓመት ምን ተሐረሰ 39,220 ሄክታር፡ ለ70 ምእታይት እክል፡ ለተርፈ 30 ምእታይት ሆይ ዘርእ ዜድ ወቅርጡዋ ክምቱ እት ሸርሕ፡ አካል እተ ለአቱ ዲብ ደረጀት በጽሕ እት ሀላ፡ ሰምሰም ላኪን እብ ሰብብ ብዝሐ ዝላም ክምሰለ

መስኡት ለገኣት እቱ ክም ኢኮን አትአመረ።

ሓለት ንዋይ ወቀትረ እበ ኸሰሰ አሰይድ በረኸት፡ ዝላም እንዲ ደንገረት እት ክፍለት ወርሕ ጁላይ ምንመ አንበተት፡ አሰክ ወርሕ ሰብተምበር ሰኔ ሰበት አተላሌት፡ ሰዐር ካፊ ክምሰል በቅሉ፡ ከዛናት ወረህያታት ሆይ ክም መልኦ ወደሐ።

አሰይድ በረኸት እት ደንገቡ፡ ሐረሰቶት አካሎም አሰክ እብ ከማሉ ለአቱ መታበዐት ትሉሊት እግል ሊደው ትወሰ።



ባጼዕ፡ ፈዛዐት ሸባብ ለወቅል ተእሂል ተሀየበ

ኮንፈደራልየት ሸቃለ ኤሪትርየ ፈሬዕ አቅሊም ቅብለት በሐር ቀየሕ፡ ፈዛዐት ሸባብ ሸቃለ እግል ትትወቀል ለአመመ፡ ምን መአሰሳት ሕኩመት ባጽዕ ወግንዳዕ ለትወከለው ሸባብ ሸቃለ፡ ምን የም 28 አሰክ 30 አክቶበር ተእሂል ሀበት።

ለእት መርከዝ ተእሂል ሸቃለ ባጽዕ ለተሀየበ ዕልም፡ ዶር ሸባብ ሸቃለ እት መሀም መርሐለት፡ አሆታይ ተፍኪር፡ አሀምየት ሩእየት፡ ሀደፍ ወሰታት፡

ክምሰልሁመ መንገፎ ወዓፍየት እት አካን ሸቅል፡ መታክል አዋልድ እት አካን ሸቅል ወአግቡይ ባለሓቱ፡ ክምሰልሁመ ቃትን ዐመል ኤሪትርየ ውብዕድ ለሸምል ዐለ።

መስኡል ወጠንያይት ኮንፈደራልየት ሸቃለ ኤሪትርየ ናይለ አቅሊም አሰይድ ሀብቴማርያም ተሰፋሚነኤል እተ አስመዐየ ከሊመት፡ መትደቃብ መቅደረት ሸባብ አሳስ እንዲ ወደ፡ ለትፈናተ ተእሂል እት ለትፈናተ

አውካድ ልትነዝም ክምሰል ዐለ እት ሸርሕ፡ ለተዐለመው እት አካን ሸቅል እብ ዋጅብ እግል ልትነፈዶ እቡ ትፋኑ።

እምበል እሊ፡ ለፈሬዕ እት አሳስያይ ፈሀም እዳረት ወማርሒት፡ ከልፍየትለ ኮንፈደራልየት ወመትነዝም፡ ክምሰልሁመ እት ናይ ሕበር ህድግ ወናይ ሕበር እትፋቅ ለረእዝ ምሀር፡ ምን የም 17 አሰክ 19 አክቶበር እግል መስኡሊን አሳስያይ መሓብር ክም ሀበ ተአመረ።

እፈትርየዐጸላክ

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድሪስ

ለይአውት ወአርተየት
* ዘህረ ዐሊ
* ፋዋን አድም

ተለፎን፡ 121797/201820 (258)
ፋክሲ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡163471-07588045

አትአመርት፡
ተለፎን፡ 125013፡ ዕ.ሰ.ቡ፡ 1284



መደርስ ሕይወት

ሓይላም ቁርአት ርክን ምን ሰጅል፡ ምን እብ ሰበት ታሪክ ለትኩተብ ተጃርብ ንዳል ሽዑብ ኤረትሮፖ ለለሓኬ ክታብ ደጀን፡ መሐመድሰኒድ ዑስማን ለከትብየ ‘መደርስ እንተ’ ለትብል ቅሰት እግል የም ካልኣይ ክፈለ እግል ንርኢ፡

ዲብ ልትፈከር ትክ እንዲ ወደ ሐቀለ ገንሐኒ፡ “እብ ክሱስ ሳዐት ኢትሻቀል፡ ለልኣደርሱክ ወለመርሐክ መደርስን ምስልክ እግል ለሀሉ ቱ፡፡ ‘ለደርስ ለአድርስ ወለኢደርስ ልድረስ’ ለልብል መብደእ እንዲ ጸበዋክ ትበገሰ፡፡ እንተ ምን እለ አምዕል የም ወሐር መደርስ እንተ፡፡ ትሰምዐኒ ህሊክ ማሚ?” “እቤ፡ እሰምዐክ ህሊኩ፡፡” “እንተ ገድም ምን እለ ወሐር መደርስ እንተ በስ!” እንዲ ቤለ ሳርሐኒ፡፡

ክምስለ ዲብ መኣሐድ መደርስን አው ኩልየት ለልትደሐሮ እንዲ ኢገብእ፡ እብ አፍ ሌጠ ርትበት ናይ መደርስ ተህየቡተኒ፡፡ “ሰበት ትበህልክ ሌጠ መደርስ ትገብእ?” እግል ነፍሼ ትሰኣልኩ፡፡ እበ እስታዝ ሐኽሊ ለሀቤኒቱ በሊስ ምንመ ይኣግኑዐኩ፡፡ ተከሽ እት እወዲ አስክ ጅማዐቼ አቅበልኩ፡፡ እግል ሐኽሊ ክምስል ትሰኣልኩ ወአድረሱት ክምስል አቤኮ ህዩ እግል ምሮት ይኣስኣልኩ፡፡ ለገብአት አስክ ትገብእ ህዩ ክምስል አዳምዬ ትጸበርኩ፡፡

ለዲብ ሳሕል ለትወዝዐን ደረሰ መድረሰት ሰውረት ዲብ ክፍለት ወሬሕ ማርስ 1983 ዲብ በቅለ ፈገርኩ፡፡ ዲብለ አካናት ለሀይ ለጸንሐውን መደርስን እብ ገጽ ፋሬሕ ሐቀለ ትከቡተዉኒ ምስለ ምድር አትኣመረዉኒ፡፡ በቅለ ምድር ሰኒ ጋምል ቱ፡፡ ምስለ ሰኒ ውቁል ላቱ አካናት ሳሕል ህዩ ልትየመም፡፡ ለአካናት ለሀይ እብለ ትፈናተ ጅንስ ዕጩይ ክምስል ከረ ነረድ፡ ወግሬ፡ ተሰሱ፡፡ ዐጋም ወእሉ ለመስል ለትገልበበ ሰበት ቱ እግል ትንበር ዲብ ሰኒ ትዑም ቱ፡፡ ሽዑብ ናይለ ድዋራት ሽዒር፡ ሽንራይ፡ እንጣጤ፡ ድንሹ፡ ዐይነዐተር፡ ወብዕድ አዝርአት ዘርእ፡፡ እሊ አካናት እሊ እብ ሓለት ሀዋሁ ወአዝርአቱ ምስል ከበሰ ልትማሰል፡፡ ዲብ በቅለ ለጸንሐውን መደርስን ክምስል ከረ ስቶም ሰይድ፡ ፋዋን ፍጉራይ፡ ማእከሌ በይን ወብዕዳም ዐለው፡፡ እሉም መደርስን ምስል ሽዑብ ዕላቀት ሰኒት ሰበት ዐለት እግሎም ሕናመ እግል ለአትኣምሩት ሐቀ ሽቅል ዲብለ ድዋራት ጀውለት እንወዴ ዐልኩ፡፡ ምስል ሽዑብ ክምስል ተኣመርኒ ወእብ

ክሱስ አድረሱት ፈሀም ክምስል ረኩበኒ ዲብ እግል ነአድርስ እቱ ለእንቀድር አካናት እግል ንትወዘዕ ትቀረረ፡፡ እተ ወቅት ለሀይ መስኦለት ምህሮ አቅሊም ሳሕል ለዐለት መናድለት ጸገ ጋይም፡ እግል ሐዳይስ መደርስን ዲብለ ትፈናተ አካናት ወዘዐተኒ፡፡ አኑ ዑመር ዐሊ (ሸሂድ)፡ ሓምድ እድሪስ፡ ከዲጀ ሳሌሕ፡ መሐመድዐሊ ወብዕዳም ዲብ ባካት ሀበሮ ትወዝዐኒ፡፡ ዲብ ባካት ሀበሮ ወሮራሐባብ አስክ ካቲመ ስቱር ወራር ሐቀለ ጸንሐኒ ዲብ ክፍለት 1984 አነ ወለጸሮታቹ ዲብ ማርየ-ጸላም ትቀየርኩ፡፡ መብዝሐም ዲብ ሳሕል ለዐለው መደርስን ወጸገ ጋይም እግል ኖስ እት ማርየ-ጸላም ትቀየረው፡፡



መሐመድሰኒድ ዑስማን ምን ድማን ኣወላይ ምስል ደረሰ ማርየ

ዲብ ሀበሮ እት ህሊኮ እምበል ርያደት ወነሺድ አካደሚ ይአድረስኩ፡፡ ዲብ ለጸንሐውን መደርስን ዐባዩ ክምስል ከረ ደበሳይ ጌሌ (ሸሂድ)፡ ፍረወይኒ ገብሬወልድ፡ ስቶም ሰይድ ወብዕዳም ደረጀት ምህሮዬ ድህርት ሰበት ዐለት ለአደርሱኒ ወለሐብሩኒ ዐለው፡፡

ዲብ ማርየ ክምስል ትቀየርኩ ላተ ዲብ ቤት-ምህሮ ቦርዲን ምስል ደረሰ እት እደርስ ሐቀ አዝህር ዐባዩ እግል አድርስ ትየመምኩ፡፡ እተ ወቅት ለሀይ ደረጀቼ ድህርት ምንመ ዐለት እብ ዓመት መቅደረቼ እንዲ ተሐይስ ትገይስ ዐለት፡፡ አርወሐቼ እግል እቅደር ህዩ ስታት ምህሮ አፈግር ወኣላት ምህሮ አዳሌ ዐልኩ፡፡ እብ አሳስለ ተህየቤኒ ወቀይ ቅዌት እግል ለአብድየ ዳሉያት ለዐለየ እማት እግል አድርስ እብ ክለ

ሐሊቼ ትዳሌኩ፡፡

ፈጅር ሐቱ ስታት ምህሮ ዲብ አፈግር፡ “እት መክተብ ልትላከዉክ ህለው፡፡” ሰበት ትበህልኩ እብ ሸፋግ አስክ መክተብ ግሰኩ፡፡ ጸገ ጋይም ጀዋብ እንዲ ትኩትብ ጸንሐተኒ፡፡ ክምስል ትገሰኩ፡፡

“ሽቅል ከአፎ ህለ? አድረሱት አንበትክ ማሚ?” ትሰኣለተኒ ቴለልዬ እግል ትድሌ እንዲ ትቤ፡፡

“እንሰር ምን እመጽእ የንበትኩ፡፡ መትዳላይ ሌጠ እወዴ ህሊኩ፡፡”

“አብሸርክ! አድረሱት፡፡ ሐርብ ወብዕድ አሸቃል ተንዝም ሽቅየት ክሉ ሐቱ ቱ፡፡ ቅዌት ለትኬለመት አባይ ናይ ገቢል ቱ፡፡ ገቢል ሐቀ ኢደርስ እግል ልትዝም ወሕቁቁ

እብ ክሱስለ ሰፈር ኢትሻቀልኩ፡፡ ምሮት ጋር ላኪን ለአትሻቀለኒ ዐለ፡፡ አስክለ ወቅት ለሀይ እብ ናይ ሕበር መንዱቅ እንድኢኮን ናይ ኖሼ ጸብዋ ይዐልኩ፡፡ ዲብ በርናምጅ አብደየት ቅዌት ለትወዝዐኒ ነኣይሽ ሰበት ዐልኒ ከላሺን ኢትህየብኩ፡፡ ምን መዐስከር በረ ዶል ንትሐረክ ናይለ መልህያምኒ ከላሺን እነሰእ ዐልኩ፡፡ አነ ከላሺን እግል ትትህየቤኒ ዐሸም ትሩድ ሰበት ዐለ እግልዬ ለበክት እግል እትነፈዕ እብ ሐዘኩ፡፡ “ሰፈር ምሽክለት አለቡ፡፡ ምናተ መንዱቅ ሰበት አለብዬ ናይ ኖሼ ከላሺን ሀቢኒ” እት እብል ጠለብዬ ቀደምኩ፡፡

“እሊ ምሽክለት አለቡ፡፡ አዘ ገድም ዐቤክ ማሚ? ከላሺን እንዲ ነስኣክ ትበገሰ፡፡ አድሐ እንድኢኮን ገጽ ላሊ ኢቲጊሱ፡፡ እንክ እሊ ጀዋብ” እንዲ ትቤ ዲብ ከላሺን ለልሀይበኒ ነፈር

ከላሺንዬ መንሱረት” እቤ ሰኒ ፋሬሕ እት አኒ፡፡ ሰፊረት ሐቀ ዘበዋኩ አባይ ላቱ ዕንቱ እግል አንቅዕ እቅድር፡፡ እት እብል ትመክሐኩ፡፡ ዲብ እገንድል ህዩ እት መስከብዬ ሐቀለ አቅበልኩ እግል ሰፈር አስክ ነቅፈ ትዳሌኩ፡፡

ምን እናድል ህዩ ለወቅት ለሀይ ዝኖር ታምም እብ ከላሺኑ እንዲ ተዐንደቅኩ አስክ ነቅፈ ክባባይ ገብኣኩ፡፡ እብ ዕምር ንኡሽ ምንመ ዐልኩ ለገበይ ሰበት አምረ ወነፍሼመ ሰኒት ሰበት ዐለት፡፡ እንዲ ደምነት ቱ ጸገ ጋይም አስክ ነቅፈ ለነድኣተኒ፡፡ ጸሓይ ሰኒ እንዲ ኢትሐፍን እግል ሰጋደት ለጽንዕት እንዲ ፈገርኩ ዲብ መድረሰት ወግሬት በጽሐኩ፡፡ ዲብ መድረሰት ለዐለው መደርስን እንዲ አተፍጠረዉኒ ገበይ ተቃርብ ሐበረዉኒ፡፡ አድሐ እብ ግዲደ እገይስ ሐቀለ ወዐልኩ አምሱይ ምድር ጅልጅሌተት ለልትበህል ዲብ ሕግስ ሮረ-ሐባብ ለልትረኩብ መዐስከር ጀማሂር በጽሐኩ፡፡ ለጀማሂር ምድር እንዲ ኢጸልምት ሰበት በጽሐኩ ሰኒ ፈርሐው፡፡ ሰበቡ ህዩ ዲብ መሓዝ ዐንሰበ ለዐለ አክራት ምን ገጽ-ላሊ እብ ቀሊል ልትሐለፍ ይዐለ፡፡ ሰገ አዳም ሰበት ለምደ በዐል ከላሺንመ እንዲ አተሀመለ ለሀጅሙ ዐለ፡፡ ጸገ ጋይም ህዩ እሊ ሰበት ኣመረት ቱ ከላሺን ለሀቡተኒ፡፡

“አሰናይ ደሐን መጽኣክ” ሐቀለ ቤለው ማይ ወነብረ ሀበዉኒ ለጀማሂር፡፡ አግቡይ ረዩም ሰበት ካዩድኮ ገርብዬ እብ ተዐበት ሰከኬሕ እንዲ ገብኣ እግል እትሃጌ ኢቀደርኩ፡፡ ለጀማሂር እብ ክሱስ ሄራርዬ እንዲ ትሰኣለዉኒ ክምስል ዳገምኩ እግሎም ምድር አክልሕድ እንዲ ኢጸቤሕ እግል ይእትሐረክ እንዝር እንዲ ሀበዉኒ አመት ስኮም ወደው፡፡ ትጸበረኒ ለዐለት ስጋደት ደብር ብርጅጊ ቀደም ጸሓይ ሐቀ ኢፈገርክወ ክምስል ኢትትቀደር ሰበት ኣመርኩ፡፡ ገማት ናይለ ጀማሂር እንክር እንዲ ከፊክወ ሳዐት አርበዕ ናይ አሰቦሕ እንዲ ሐሶሴኮ ገበዩ አተላሊኩ፡፡ ምድር እብ ጽልመት ትክ አኑን ጋብእ ዐለ፡፡ አክራት ጋድሞታት ተሕረ ምን ረዩም “እንጉይ፡ እንጉይ” ልብል ዐለ፡፡ አነ ላኪን እግል ሰፊረት ለቀትለት ከላሺንዬ፡ እግል ከራይ ክምስል ኢትምሕክ ሰበት አመንኮ ሸክ እንዲ ይእወዴ ገበዩ አተላሊኩ፡፡ ለአክራት ምንዬ ረዩም ሰበት ዐለ ኢሳደፊኒ፡፡ ጋድሞታት ለጣፌሕ እንዲ አትመምኩ ባካት ሳዐት ሐምስ መጋዌሕ ደብር ብርጅጊ እግል እፍገር አንበትኩ፡፡

ነድኣተኒ፡፡

ምን እትከለቅ ክምስለ አምዕል ለሀ ፋሬሕ ይኣኒ፡፡ “አዘ ምሔርባይ ታምም ገብኣኩ፡፡ ገድም ሞት ወሐየት ምስል አዳምዬ!” እት እብል እግል ሰደፍ ላተ ከላሺን እንዲ ትህግልኩ አስክ መስከብዬ ግሰኩ፡፡ እንዲ ፈትሐኮ ሸሙይ መስከክወ፡፡ ክልዶል እንዲ እገንሐ ወእሻምተ እብ ፈርሐት ቅርጢዋ ገብኣኩ፡፡ ምን እተ ወቅት ለሀይ መስኦልኒ ለዐለ መሕሙድ ሳሌሕ እንዲ አጀዝኩ እት ወቅት ስቱር ወራር ምን ከደን ለጀምዐክወን ዋለግ ሰበት ዐለየ እግልዬ፡፡ ለከላሺንዬ እግል እጀርብ ዲብ አካን ሸንኪት ግሰኩ፡፡ ከላሺንዬ እንዲ ዐመርኩ ዲብ ሐቱ ምን እት ረኣሰ ዕጩይ ለዐለየ ሰራይር እንዲ ተንሸንኩ ለከፍኩ፡፡ ለሰፊረት እተ ዶለ ክንፍል ወዴት፡፡ “አብሸር!



“ድራርን ምን ንዕመት ኣርድ”፡ ኣንፋር መሕበር ወህበት



ኣሚኒት ማል መሕበር ወህበት ከልሹም ዐሊ

እት ኣቅሊም ዐንሰበ ምዴርየት ሓልሓል እዳረት ደዋሒ ሊባን መሕበር ወጠን ኣዋልድ ኣንሳት ኤራትርየ እብ ሸክል ተዓውን ለክወጽዎ ምን 11 ቀርየት ናይሊ እዳረት ደዋሒ እብ መሕበር ወህበት ወመዕጸመን ለትፈረገዩ 20 ራፍዐት ዓይላት ለክምክም ‘ወህበት’ ለልትበህል መሕበር ሀሊ። ኣንፋሩ ምን ዐደን እንዴ ኣረይመ ፋል ምን ሓረሰቶት እንዴ ልትዛቦየ እብ መከናት ልሓጽያሁ፡ እት ፍርም ቀልያሁ ከእብ ቅርጡጡ፡ ደክወት እንዴ ወደያሁ እብ ዋራዩ እግሊ ለሓዜመ እብ ዋራዩ ለኣዘብዩ።



ደጋገት ፋል

ለመጅሙዐት ማርሐተ ብእተ ወኣንፋራመ ክል ምንን መዝ ራፍዐት ተ።

ምን ሱዳን እት ደንግብ 90ታት እም ክልኣት ጅን እት እንተ እብ ዕያለ ዐደ ለኣቅበለት ዮም እም ሴዕ ጅን ለህሊት፡ ኣሰይደ መከ መሰ መሐመድ ሚርሓይተን ተ። ኣሰይደ ከልሹም ዐሊ ሀይ መስኦላት እዳረት ወማልየት። መከ ለመሕበር ከኣፎ ክም ሸቂ ዲብ ተኣበርህ፡

“ሸቅልን እት ዲሰምበር 2024 ኣንበተ። ክል ወራትን ዲብ ፋል ትንክብት ተ። እተ መጃል ሓዳይሰ ምንገብኣን ተጃርብ ምንመ ነቅሰ ምንእን እብ ቅሩታይን እት ነሓይሰ እንገይሰ ሀሊን” ትብል።

ምን ነዘዋት እንዴ ኣንበትኩ፡ ለልትሓዜ ማሸናት እንዴ ኣዳለ ተኣሂል እንዴ ረክቦየ እግል ልትዋተደ ሰድየን ለህሊ መሕበር ወጠን ኣ.ኣ.ኤ ተ። መበገስ እግል ልግበእ እለን ክሉ ለእቡ ልትዓወን ዐፍሽ ቤት፡ መክዘን፡ ክራሲ፡ ኣዋሻሽ፡ ሰኪሉታት ወ30 ኩንታል ፋል እብ ገበይለ መሕበር ረክብያሁ።

መስኦላት እዳረት ወማልየት ኣሰይደ ከልሹም ዐሊ ሓዘት ብእሰ ምን ትረሐመ ሰቡዕ ጅን ተዓቤ ለህሊት እም ዮታይም ተ። “ማሕበርን እንትን ተወወትክን ምንገብኣ ብዕዳት እግል ልትሊያክን ሰበት፡ ርሕክን ርፍዐ ወወጠንክን ዐምረ ምን ቤሊን ሓምዲን ዛይደት፡ ክምለ እለ ደምዲን ሕናመ ለፈክ እግል ንፍዴ ዕንዱቃት ሀሊን። ጽብጣይት ማል ሰበት ኣን እበ እለ እርኤ ሀሊኮ ምን እንባተትን ኣዜ ዲብ ነሓይሰ እንገይሰ ሀሊ” እት ትብል ተኣፍህም።

እተየን ኣስክ እለ እት ሊባን ሌጠ ሰበት ለኣዘብያሁ መዳርስ ኣስክ ልትደበእ ሰኢ ሸቀየ። “ኣስክ እለ ድካን ኣለብን ወዘቡንመ ጽብጣም ኣህሊን እትለ ባክን ዎሮ በዐል ድካን ለኣዘቤ እን ዲብ ሓልሓልመ ዎሮ ብን እብ ቅሩትን ሀይ ፈርያትን እግል ነኣትኣምርቱ” ትብል ከልሹም።

ኣሰይደ መካመ “ለዐድን ንዕመተ ብዘሕትተ፡ ፈርያት ሓርስ ክእን እት መሳኔዕ እንዴ ኣቱናሁ ክብር እንወስክ እቱ ሓቆ ገኣን ለሸቅል እግል ልትረከብቱ፡ ተጠውር ሀይ እቡቱ ለመጽእ። ለደጋገት ለፋል እንቀርፍ እበ ለህሊን እክል ክም

በስከዊትመ ወተወወትኩ፡ እግሊ ምን ቅሩብ ተኣርኤን ወትሰዴን ለህሊት ትርሓስ ንርኣዮ ሀይ ሕቡራት ሀሊን” ሓቆለ ትቤ፡ ለሓዘያሁ ሀላየ እግል ልምጽኣን ወረኣስማል ክም ወደየ ኖሰን እግል ልትዘበያሁ ሰእየተ ሸርሐት።

እበ መከ ቱሉ ምን ካርጅ ለመጽኣ ነበራት ሰኡዕ ብዘሕት ከሚካላት ለኣቱ እቱ፡ ሕን ላኪን ለምድርን ንዕመት፡ ለፍሬን ወሰእሉ እንሰኔ ክሉ ጠቢዒቱ፡ ዋዑም ወእግል ዓፍየት ሰኢቱ። ደክወት ሀይ ዲብ ሰለጠኑ፡ ዲብ ጽቤሕ ተኣቱ ፋሊደተ ብዘሕት ተ። ምን ዘርዐናሁ እግል ንብለዕ ወምን ሰንዐናሁ እግል ንልበስ ንዕመት ካፍየት ሀሊን እኒ። ምን ንዕመትን እት ንትደረር ርሕን ረፍዐን ምንገብኣ ወጠንናመ ለዐል ትብል ወመጦርለ ዋውራት ትወቀል።

እለ እለ ሃድጋት ሀላየ ትርሓስ ምን፡

ትርሓስ ንርኣዮ ቀለተ እት መሕበር ወጠን ኣዋልድ ኣንሳት ኤራትርየ ኣቅሊም ዐንሰበ መስኦላት ፈሬዕ እቅትሳድ ወእጅትማዕየት ክምሰልሁመ መታበዕት መሻሬዕ ተ። ዎሮ ምን መሸሩዕ መሰነዕ ፋል ‘ወህበት’ ተ። እት ሊባን ለፈሬ ፋል እብ ጠዐሙ ምንገብኣ ወምሰል ዓፍየት ለናስብ ጽብጣ መቀዝያቱ እት ኤራትርየ ምን ሓይሰ ላቱ ዘርእ ክምቱ ተሓብር። ለበርናመጅ እት ሓየት ድዋር ግዴት ለተሀሌ እሉ ሚ መሸሩዕ እግል ልግበእ ቀድር እንዴ ትበህለ ክም ተሓሰበ ዲብ፡ ፋል ምን ግርሁ እንዴ ኣረይም እብለ ትፈናተ ሸክል እንዴ ትሰነዕ እት መዓል እቅትሳድ ወደሐን ድዋር እግል ልውዐል መሸሩዕ ትረሰመ። ዓይላት ለለኣነብረ፡ እት ሸቅል ሕሰራት ወዕጽማት፡ እንዴ ትሌለየ ሀይ ክም ጽብጣሁ ገብኣ።

ማሸናት፡ መባኒ ወብዕድ ክሉ መሳለጢ እብ ውዛረት ሓርስ ትዳለ እለን። መሕበር ሀይ ፈዳልየቱ እግል ልታቤዕ መዝ ረፍዐ። መሕበርመ፡ ምሰል እዳራት ወሀይኣት መታበዕት ሓየት ድዋር ወዐማር እንዴ ትመቅረሐ፡ 20 ዓይሊት ለረፈዐ ኣንሳት ፈረገ ከእተ መሸሩዕ ኣተ። እለን በዲረን እትለ እግል ሓየት ድዋር ለትቀተረት ሕዝቦት ሸቅየ ለጸንሐያተን።

እብለ ሀይኣት ለማሸናት

እንዴ ትረኣዩ፡ ሰኢ ክም ሸቅየ ሓቆለ ተኣከደ እተ ኣካን እግል ልተከለ ወከዋ ከህረበት እግል ልትሀየበ ወራት ትርድት ገብኣት። ለቂድራይ ምን ኣስመራቱ መትከራይ ኣስክ ሊባን ወፈጊር ኣስክ ኣስመረ እግል ማሸናት ደሐን ሰበት ኣሊህይቡ ለሸቅል ተሓድያቱ ብዘሕት። እለ እንዴ ተሓለፈ እግሊ መሸሩዕ ለለኣሸቂ ማሸናት ‘ተከላ፡ ለመሕበር ተዓውን ሸክል መኣሰሰት ጽብጣ፡ በዐል መንበር፡ እዳረት ወማልየት ወጽብጣይት ወሳይቅ ትየመመየ። ክምሰልሁመ ፋል ምን ሓረሰቶት ለልትዛቦየ፡ ደክወት ወፋል ዱሉይ እት ዕዳገ ለለኣዘብዩ፡ ጽብጣይት መክዘን . . ሓቱክ ይማመ ጽብጣት።

ለበርናመጅ እትለ እብ ደረጃት ወጠን ገብእ ለህሊ ናይ ተምዊል ንኡሽ እንዴ ኣተ፡ መበገስ እግል ልግበእ እለን ናይ ሰለስ ወሬሕ ማህየተን እት ነሰኣ ተኣሂል ተሀየቦየ። ለፋል ትሓዴ መከነት ክም ትሰበረት ምንን ለመሸሩዕ 65 ኣልፍ እንደ ኣፍገረ ኣስነየ እለን። ናይ



ርኢሰት መሕበር ወህበት፡ መከ መሰ

ሰኢት እግል ልተንከብ ነሓዜ ወእቱ እንሰዴ። እት መክተብን እግል ነኣዝቤ እለን እንቡታም ዐልን ለፈርያት ሰኢ ዋዑም ምንገብኣ ትጃር ዓማቱ እቡ ልትሰኣሉ ወእብ ዐውል ረኪስ እግል ልትዛቦው ምንን ጃርቦ። እለ እግል ኢትግበእ ደረሰ ቴለል ዕዳገ ወኣትኣማር ብዳዕትከ ሸቅል ለሓዘዩን ሀሊ።

ፋል ሊባን ሰኢ ዋዑም ምን ገብኣ ኣዳም ክም ኣመረዩ እግል



ፍርም ፋል

ተጃረት ሓርስ ተጃርበት ኣለበን፡ ለትዳለ ፈርያተን ለልዐሽን እቱ ኣግርበት ኣህሊ . . ለተሓድያት ብዘሕት ተ። እት ደማን ላብ ደረጃት እግል ንሕደገን ገኣን ምን ገብእ ለማሸናተን ሰኢ እግል ልሸቀየ፡ ናይ ባንኪ ሕሳባት እግል ልክፈተ፡ ገበይ ጽብጣት እተየን እግል ልኣምረ ብእተን ሰበት ብእተን ኣስክ እላዲ እንታበዕን ወነኣትብግሰን ሀሊ።

ለደክወት ልዋሕን እበ ማሸን መትሓራካክ(ፍሪክክን) ሰበት ኣርኤት ዓፍየት መትካፈዓይ እግል ኢትደረር እግል ዶሉ ኣብጠረያሁ። ለፍርም ኖሱ ከህረበት ብዘሕት ሰበት ነሰኣ ሓቱ ዶል ክም ረሰን ብዘሕት እግል ልሸቀየ ዱሉያት እግል ልጸንሐ ክም በን ኣመረየ።

ክሉ ለመዋድ እንዴ ትዳለ እለን ህተን እብ ነሓረን እት ሸቅየ እግል ልብለሳሁ እት ሸቅል ትበገሰየ፡ ላኪን ለእብ ጀህት ማሸናት ለህሊ መጋዴዕ እግል ልትሓለፍ ምንመ ቀድር ለበበ ተሓዲህን ዓዳጋቱ።

ሸቅል ተጃረት ሓብሬ ሳፍየት ወሻፋግ ለሓዜ፡ ለነሰኣሁ ምስዳራት ዲብ ድራሰት ወሓብሬ

ልትጠለብ ቱ፡ ከእት ኣትኣማር ፈርያተን እግል ልትጀህደ ነኣትናይተን። ክምሰልሁመ ምሰል ውዛረት ሓርስ እንዴ ትጸበጠየ ተኣሂል ወሰዳየት እግል ልርከበ መፋህማት እንወዴ ሀሊ። ዓማት ኣክባርመ እት ነሽር ሓብሬ ግዴቱ እግል ሊዴ ነሓዜ።

እቅትሳድ ቀበት ዐድ እግል ልዕቤ ኣንሳት ተረተን ዐባይ ተ። ህተንመ ምን ሓብሬህን ሕድት ወተጃርበተን እት ተጃረት ግድዕትመ ምን ትገብኣ፡ ምን ሸቅል ኣልትሀዘየ፡ እግል ልዕባየ ረቅበት ዐባይ ብእተን። ለእት ክምእን መጃል ለኣወቁ ለህለው ሚህዘት ሀይ፡ ኣንሳት እብ ቀላል ለልትነፈዐ እቡ ምህዘታት እግል ለኣትኣቱ ፈናህ ቀደመት ኣሰይደ ትርሓስ። እተ ብሩር መቶራት ወማሸናት ዶል ከርብ፡ ኣሰናየ ወኣትጋዘዙ ለጠልቡ ተካሊፍ ሰበት በዜሕ ለመሸሩዕ እግል ኣሊኣተላሌ ቀድር። ከምን እለ እግል ልትባለሐ መርከዝ ሴንዐት ኣላት ሓርስ ወነኣይሽ መሳኔዕ ሓርስ እት ብሩር ባክለ ሓረሰቶት እግል ልግበእ ተዐሸመት።



እንፋር ወህበት እት ደርሰ

መትሃግያይ ዕዩን ጉብኣ ምን ጉብኣ፡ ለሴምዓይ እግል ልልብብ ቡ

እት የም 28 ኦክቶበር “በርላማን” ኦቶብዩ እጅትመዕ ዋዲ ዐለ። ለሸፊሕ ተርጀገት እብላ እብ ዋለግ ወሰፍረ ትትብላዕ ለህሌት ኦርወሐት ኦቶብዩን፡ ክምሰልሁመ ኦቶብዩን ለፊክር ሐንገል ክም ኦለቦም እንዴ ኦተምሰልካ ለትብህላቱ። ሚርሓይ ብልጽግኡ ምን ኦንፋሩ ለትቀደመ ዲቡ ኦስኦለት እቱ በልሰ። ምን መጅተምዐት ልግባእ ወምኖ በሊሱ ሐዲስ ሸይ ለልታኬ መክሉቅ ዐለ ኢመሰለኒ፡ ወምን ለዐሌመ ምን እለን ለተልዩ ክልኤ ቅድየት ወለዐል እግል ልታኬ ኢቀድር።

ቃሉት ከሊማት ዶል ደግመው፡ “ሕክም ሸንጎ” ናይ ደርግ አትፋቀደውን። እትለ ደረጀት እለ ክፋይ ለህለ መጅልስ ኦቶብዩ ህዩ፡ “እሊ ጸርን ለማሌ ሸዑብ ወሕኩመት ኤረትርየ ለሐምድ ለዐለ መጅልስ ኢኮን?” እንዴ ትቤ፡ ዓፍየት ናይላ ሚርሓይም ሌጠ እንዴ ኢትጉብኣ፡ ዓፍየት ናይላ ኤረትርየ ትትሐመድ ወትትመረር እት ህሌት ለአጣቂዕ ለዐለ መጅልሰመ፡ ሰኣል ኢትህርስ ጉብኣ?

“እት ሕዝብ ብልጽግኡ ሕድት-ብዝሕት ክጅል በዴት? እሊ ሌጠ እንዴ ኢትጉብኣ፡ ኮሎኔል

ሀላፍቲታት መሸርዐን ለብዙሕ፡ መጅንን ናይላ ሚርሓይ ለወደሓ ክልኤ ቅድየት ሌጠ እግል ነህርሱ።

1. “ለልአትዐጅብ” ተጠውር እቅትሳድ ኦቶብዩ እብ ዓላብ ዓረርት እንዴ ኢትጉብኣ፡ እብ ምሮት ኦንፋ፡ እዘን፡ ወዕንታት ሌጠ ለቡ ነፈር ለልትቀየሱ። “ሐዲስ መምዘኒ ዐቦት እቅትሳድ” ቀደመ ሚርሓይ ብልጽግኡ። ለናይ ዓላብ ኦማን ህዩ፡ እብ መእከይ ወሐገሌብ ልትዐዘብ ለህለ ሸዑብ ኦቶብዩ 87 ሚልዮን፡ ቅያስ ሀገጋይ እቅትሳድ 40



ተ። ከግድም መንበረት እንዴ መረት እቱ ልውዴ ወጸራጽር ለህለ ሸዑብ ኦቶብዩ፡ እግለ “ዐጃይብ እቅትሳድ”፡ ብልጽግኡ ኖሱ ጸናሃ ለኢረኣ፡ ኦንፋ ሰበት ሐግላቱ ወለግንፋእ ሕመም ህለ? መዛህራት ሐካይም ወመደርሲን እብ ሰበብ መንበረት እኪት ሰበት ያረውቱ መጸመው ምን? ክምለ እንቢለ ላኪን፡ ለወዲቁ፡ ወወዲቅ ወዲቁመ ለኢልትሐበዕ አከይ-ወዲቅ እግል ገላብብ ለትብህለት ህግዩ ይምዩም ተ፡ ወምን ተሐምቅ ህዩ ህግዩ ተርጀገት!

2. ምስል ሕኩመት ኤረትርየ ለትብኣስን ሐቆ እትፋቅየት ፕራቶርያ እት ጉብኣ፡ “እግል ትግራይ ወጀብህት ሸዑብ ተሕረር ትግራይ ይኣብዳናሆም ምንጉብኣ፡” ብሂሎም ኦመቱ ለኢተኣመረት ፍተን ተ። ለሀደፍ ህዩ ዋዴሕ ተ። ፍንጌ ሸዑብ ኤረትርየ ወሸዐብ ትግራይ ትጠወር ለህሌት ዕላቀት፡ ክምሰል ፈርህት ዐባይ ዲብ ሰልጠቱ ነሰኣ ሰበት ዐለ ወህላ፡ ገጽ ግረ እግል ልብለስ ወለኣክርቡ፡ እቢ እግል ኦሳዋር ተ። ለሐቆ ፕራቶርያ ለልብል ኦትካፈኢ፡ አዜ እብ ሐዲሱ፡ “ምስጢር” ልትብህል ለህለ እግል ለኣተምሰሉ ምንመ ጀረቤ፡ እብ ለትፈናተ ኦግቡይ ልትብህል ለዐለ ለኣምሸንኒ ሕሰይ ወኣትባዳይ ተ። ቀደም እለ እበ ልብሉ ለዐለ ዕላቀት ክልኢተን ድወል ታቱ እግል ኢቲበል ዕምሩ ለላሓጭር መዋዲቱ ለኢለኣምር

ጉብኣ-ማስሉ ዐላ፡ መኣስ ነጽፎ እዩ ልብል ለህለ? ከግድም፡ ምን “ለቡብኩ” እንዴ ቤለ እግል ልተልህዩ ለጀረብ ትልህዩ-ግሉላም ሐድ እግል መትፋቀዲ እግል ኒበል እኩም።

ሀ. ርኢስ ወዘረኢ ኦቶብዩ ምስል ኦሚሪክ እንዴ ጉብኣ ድድ ኤረትርየ እግል ልሸቄ ዱሉይ ክምቱ፡ እግል ፍንቲይ ልኡክ ኦሚሪክ ጄፍሪ ፊልትማን (ምን ኣፕሪል 2021 ኣስክ ጃንዋሪ 2022) ለሸርሐ እሉ፡ ቀደም ሰነት ምን እትፋቅየት ፕራቶርያ ኢኮን ጉብኣ?

ለ. ሰማን ወሬሕ ቀደም እትፋቅየት ፕራቶርያ፡ ወፍድ ኦቶብዩ ዲብ ወሬሕ ማርስ 2022 ምስል ቅያደት ትግራይ ዲብ ሲሸልስ ለወደያ ምስጢራይት መዋጀህት፡ “እብ ሕበር እግል ኤረትርየ ንዝበጥ” ብህል ይዐለ ጉብኣ?

ሐ. ስስ ወሬሕ ቀደም እትፋቅየት ፕራቶርያ ወፍድ ኦቶብዩ ምስል ቅያደት ትግራይት ዲብ ጅቡቲ ዲብ እብ ምስጢር ለወደያ ጀልሰት፡ እብ ድግማን “ምስል እንዴ ገኣነ ኤረትርየ ንዝበጥ” ኢቤለ ጉብኣ?

መ. ምን ሰነት 2018 ኣስክ 2020 ዲብ ኤረትርየ ሰፊር ኦቶብዩ እንዴ ጉብኣ ይመም ለዐላ፡ ናይ አዜ መስኡል መንገፎ ወጠን ብልጽግኡ፡ ፍንጌ ኤረትርየ ወትግራይ ዕላቀት እግል ኢትሰኔ ምን ሕድ ለለኣትራይም ሕሰይ ይኣትባጸሐ ጉብኣ?

ሰ. ዲብ የም 3 ፌብሩዋሪ 2023፡ (ግረ እትፋቅየት ፕራቶርያ) ዲብ ሀላላ ኬለ ምስል ሚርሐት ትግራይት ዲብ ጉብኣት ናይ ሰልፍ ጀልሰቱ፡ ሚርሓይ ብልጽግኡ እግል ሚርሐት ትግራይ አዜመ፡ “ኤረትርየ ምስል ንዝበግ!” ኢቤለ ጉብኣ?

እሊ ሓቃይቅ እሊ እንዴ ሐብዐ ሀገጊ ዐዩይን ደጋግም ወፋትን ለህሉ፡ ዲብ ገባይል ኦቶብዩ ኖስኖሱ ወድዩ ለህለ ፈንጨጋር ኢሐደ። “ግድም፡ እለታት ኢሸቄ እግልክ - ግምሽ ኢትትዑብ” ብሂሉ ሌጠ ካፌ ተ። ሰበቡ ህዩ፡ “መትሃግያይ ዕዩን ጉብኣ ምን ጉብኣ፡ ለሴምዓይ እግል ልልብብ ሌግ ቡ።”



1. ክምላ ኦመሉ፡ ክሉ ወዲቅ ኦቶብዩ “እብ ለረዬሕ” ሸፊሕ ካሐሎት ወገላባቱ ለልኣትፈክሮ ኦንፋር በርላማን ህዩ ጣቅዲት ዳምቀት ኦትለው።

2. ክምለ እዩዱ፡ “ኣጃንደት ክልኣት ማይ” እንዴ ሀረስክ ቅብላት ሲያደት ኤረትርየ ሀላፍቲ ወመትጃሃር ለትከረ ዲቡ “በርላማን” ህዩ፡ እብ ዳምቀት ጣቅዲት ኣድመቀው።

ለርኤናሁ ሸይ ላተ፡ ምን እለን ክልኤ ለሀደግናበን ንቃዋ ለፈግር ኢኮን። ሓለት ኦቶብዩ እበ ከሰሰ ለልኣክጅል ሕሰይ እንዴ ቀደመ፡ እብ ረሐት እዴሁ ጸሓይ እግል ልገልብብ ወጠከ።

“እግለ ኣጃንደት ክልኣት ማይ” እበ ከሰሰመ ታሪክ፡ ኣሳስ ቃኑን ለኣለቡ፡ ቀዋኒን እዲነ ወሰያደት ኤረትርየ ለከይድ፡ እብ ሕሰይ ለትለከክ መትጃሃር እት ዋስክ ህዩ ሀላፍቲሁ ኣሰመዐ።

ፍንቲይ ዕፌ ዐለ ምን ልትብህል ህዩ፡ ሚርሓይ ብልጽግኡ ምን ከሊማቱ ወኪን፡ እተ ናይ ገርቡ መጸጸት (ርእየት ወጅሁ ወሐረካት እደዩ)፡ ሸቀላቱ ወመዳያጋቱ ለድቁብ እግል ልሕበዕ ኢቀድረ። ለኣንፋር መጅልሰመ ክም ፓፓጋሎታት ‘ወንበዴ! ሸዑብ!’ ለትብል

መንግስቲ፡ እግል ልትጀህር ሕብር ቀይሕ ለምልእት ቅርረት ለክፍ እት ህለ ልትረኤከ። ሚርሓይ ብልጽግኡ ህዩ፡ ማሌ እግል መትጃሃር ለጣውለቱ ሸወጠ። ደም ምን ቅርረት እት ልትክዴ ለኢትህደደ ሸዑብ ኤረትርየ፡ እብ ሃወሾት ጣወለት እግል ልደንግጽ ለልታኬ ምን ህለ ህዩ፡ እሊመ ዓፍየቱ ልፈትሸ።

ኩሉ ለሸርዑን ሸፊሕ ፈሰሮት ለባበት ሰበት ኢኮን፡ ምን ለትብህለ

ምእታይት፡ 20.4 ሚልዮን ምን ሸዑብ ኦቶብዩ መትጸብራይ ነብራ ራድኢት፡ 8.3 ሚልዮን ኣጀኒት ምን ተዕሊም ለትሐረመው፡ 4.5 ሚልዮን ለጉብኣ ኦቶብዩን ህዩ እት ቀበት ዐደም ለትሸዕተረው ቶም። ኦቶብዩ፡ እግል ትግላብቡ ለኢትቀድር ሰብ መቅያረት ዓፍየት (እብ መጅብለ ብዕዳም፡ ሰብ ማህየት ወቅል እት እንቶም) መንበረት እንዴ ኩብደት ዲቦም እድራብ ለወደው ዲብ ዱለት



ዕልቁት ስነት ፍገጃት መቅሬታ ስነ ቲ

ወድ-አዳም እብ መቅሬታ ምን ክሉ መክሉቅ ለሌላቲ። እንዲ ትነዝመ፣ ቀዋኒን ሽቅል እንዲ አፍገረ ወስታት እንዲ ወደ ሰበት ከድም እሊቱ ዮመቲ ዲብ ርሽመት ተጠውር በጽሐ። ምስጢር ናይ እሊ ህዩ መቅሬታ ስነ ቲ። ዎሮት ሽቅል እግል ልትዐውት መመቅርሓይ ወቲልየቱ ምስል እንዲ ትመሳነው እግል ልክደሞ ወጅብ። ዲብ ቀዋኒን እዳረት እግል ትምረሕ ሌጠ እንዲ ኢትገብእ እግል ትትመረሕመ መቅደረት ተኣትሐዚከ። መቅሬታ ዲብ ሽቅል ሕኩመት አው እት ሽርካት በህለት ኢኮን። መቅሬታ ስነ ምን ቤትክ ለኣነብት። እሰልፍ ሽቅል ቤትክ አክአፎ ትነዝመ፣ ዐይለትክ ከአፎ ተኣትመቃርሐ ኣመሮት ለኣትሐዚ። እግል መሰል፣ መመቅርሐት ለእንብሎም፣ እም፣ ኣብ፣ ሐው ዐባዩ፣ አቦት፣ ኣብዕብ፣ ሐል፣ ዐመት፣ ሐ-ኣብ----ወእሉ ለመሰል ሽምል። ዲብ ሽቅል ዶል እንርኡ ህዩ፣ ናይ መካትብ፣ ሽርካት፣ ሰብ ርዕዮ ወእሉ ለመሰል። ከእዳረት አው መቅሬታ ለእግደ መስጢር ናይ ዐውቲቲ። ወቀይ እግል ልትሰርገል ገብእ ምን ገብእ ዎሮት መመቅርሓይ እሊ ለተሌ

እግል ልውዲ ወጅብ ለብል ዶክቶር ተሰፋይ።

- መመቅርሓይ ትሩድ እግል ልግበእ፣ ምናተ ጽኖፅ እግል ልግበእ ኢወጅብ፣ እሊ በህለት ዲብ ቀራራቲ ሰብት፣ ዲብ ወቀዩ ፈዳብ፣ ላኪን እምበል ገበል ለክድም እግል ልግበእ



ኢወጅብ

- መመቅርሓይ ርሒም እግል ልግበእ፣ ምናተ፣ ሐዋን እግል ልግበእ ኢልኣሰትህል። ክም ኣደሚ ረሕመት ሰኔት ተ። ምናተ፣ ወቀዩ እንዲ ትረስዐ እብ ሰደ ለሐልፈት ረሕመት እግል ልጅማጅም ኢወጅብ

- መመቅርሓይ ሽቅል መኣንብታይ ወቀይ እግል ልግበእ

ለኣትሐዚ። ለገብኣት ምሽቅክለት ዶል ትሳድፍ እሰልፍ ኖሱ እግል ልዋጅህ ለኣሰትህል። ዲብ እንብተት ሽቅል መሰል ሰኔት እግል ልግበእ ለኣትሐዚ። ምስል ቲልየቱ ወጅማዐቲ ከድመ፣ ኖሱ መርሐዮም ወሰኔት ህበረዮም ወሐብረዮም ምን ገብእ ክምስል ልትሰርገል ሽክ ኣለቡ።

- መመቅርሓይ ዕሹር እግል ልግበእ፣ ምናተ፣ ምን ዐደድት ወለዐል ኢመሬሕ ወኢተሌ እግል ልግበእ ኢወጅብ። ቃኑን እዳረት መመቅርሓይ ምን ሽር ወኣኪይ መዋዲት ዕሹር እግል ልግበእ፣ ላኪን ምን ቅያስ ወለዐል መስኪን እግል ልግበእ ኣለቡ ልብል።

- መመቅርሓይ ሕሹም ወኣርወሐቲ ለራፌዕ እግል ልግበእ፣ ምናተ፣ ምን ቅያስ ወለዐል ፎጃጅ ወሕንግፌፌ ለልብል እግል ልግበእ ኢውብ። መመቅርሓይ ሕሹም ወክብድ ለቤለ እግል ልግበእ መዋሉብ ምንማቲ ምን ኣዳመ ወለዐል ዐረብረብ ለኬደ እግል ልግበእ ኢለኣሰትህል። እግል መሰል ዎሮት ኣብ መመቅርሓይ ናይ ዐይለት ሰበት ገብእ ምስል ኣጀኒቲ ወእሲቲ እግል ልተልሄ ወልትለወቅ ወጅብ።

- መ መ ቅ ር ሓ ይ መትድእላይ ወመትፋግዳይ እግል ልግበእ ወጅብ። ደኣል ወህጅክ ለኢፈቲ መመቅርሓይ ዕላቀት ሰኔት እግል ልውዲ ኢቀድር። መመቅርሓይ ምስለ ሸቄ ምስሉ ኣንፋር ትደኣለ፣ ተሃጀክ ወክተ ምን ገብእ ጠባዩዕ ወክልፍየት መታሊቲ እግል ለኣምር ለኣቀድሩ። ደኣል ወትልህዩ ጠቢዐት ናይ ኣዳም ሰበት ቲ፣ መፈተይ ወዳክ።

እለን ነህድግ እበን ለጸንሐነ ሰስ ንቅጠት ቃኑን እዳረት ምን ዎሮት መመቅርሓይ ለጠልበን ተን። ለትወቀለ መስጢር ዐውቲ ላተ እብ መዐጠም ወንዶት ክድመት ቲ።

Improve Your English

Unit One am/is/are

- The present continuous tense is: Am/is/are + ing (doing/writing/raining/running etc.)

Positive	
I am (not) - ing	Examples
I am working.	
He is (not) - ing	Tom is not eating.
She	She is writing.
It	The telephone is ringing.
We are (not) - ing	We are students.
You	You are not listening.
They	The children are playing.

Am	I	Example
wright?		
Is	he	writing?
	she	running?
	it	raining?
Are	we	playing?
	you	studying?
	they	new?

Question:

Exercise: 1. Complete the sentences with am/is/are + one of these verb.

- Building coming cooking
standing swimming
- They _____ a new house at the moment.
 - Look! Somebody is _____ in the river.
 - Oh! You are _____ on my foot!
 - Hurry up the bus is _____.
 - My mother is _____ our lunch in the kitchen.

Vocabulary

Exercise 2.

Choose the correct answer.

- A place with a lot of trees is called _____.
a. desert b. forest c. lake
- _____ is a place next to the sea with sand.
a. beach b. restaurant c. home
- Massawa and Assab are Eritrean _____.
a. Lakes b. ports c. forests
- A lot of people are eating in the _____.
a. Shop b. port c. restaurant
- A piece of land surrounded by water is called _____.
a. Forest b. lake c. island

Misused Forms

- Depend on or upon, not from.
Don't say: It depend from himself.
Say: It depends on (or upon) himself.
- Deprive of, not from.
Don't say: He was deprived from his freedom.
Say: He was deprived of his freedom.
- Die of an illness, not from an illness.
Don't say: Many people have died from malaria.
Say: Many people have died of malaria.
- Different from, not than.
Don't say: My book is different than yours.
Say: My book is different from yours.
- Disappointed in, not from.
Don't say: I was disappointed from his work.
Say: I was disappointed in his work.

Teacher Jokes

Student: Would you punish me for something I didn't do?
Teacher: no, of course not.
Student: Good! Because I didn't do my homework.

ጽሑፍ

ሐቲ ኣምዕል ኣብ ወወልዱ እንዲ ልትሃጀኑ ወልተልህው ክእነ ትበህለው።

ኣብ፣ ካልድ ወልዩ ኣነ ዕምርዩ ከም ሰነት ገብእ መሰለክ?

ጅነ፣ ኣነ ይበ ቀደምክ ውሉድ ሚ ኣነ ከዕምርክ ኣምር

ኣብ፣ እንዲ ጌምም፣ ከም ገብእ መሰለክ?

ጅነ፣ 30 ሰነት ገብእ መሰለኒ

ኣብ፣ እንዲ ሐቲ ወስክ ዲበ ጠይአቡክ ኣምሩ ቅሩብ ህሌክ

ጅነ፣ ኣይወ! ኣመርክወ፣ እበ ግረ ናይለ በሕ ሐቲ ሐቆ ወሰኮ 301 ሰነት ዋዲ ህሌክ ይበ

ኣብ፣ እላቲ እንዲ ረቢ ልቅበለ ምንኩ፣ 301 ሰነት ገድም እብ ትምኔትመ ልግበእ ምን ረክበን።



ቲኦምሮ ማሚ፡

- ዲብ ኣፍሪቀ ለበዝሐ ገቢል ለልትሃገዩ ህገዩ ሰዋህሊ ክምስል ትትበህል ተኣምሮ ማሚ?
- ዘራፍ ሰቦዕ ዐጭም ሰጋድ ክምስል ህለ እግል
- ለበዝሐ ኣዳም ኑዕ ደሙ(ጅንሰ ደሙ) ኣ+ (O+) ክምስል ቲ ህዩ ተኣምሮ ማሚ?
- ዲብ ሰነት 1983 ዕዱ መጅልስ ቅራን ለገብኣት ለነኣሸት ደውለት ሞናኮ ክምስል ትትበህል?
- ሰፊነት ታይታኒክ ክምስል ተርቀት 1513 ክምስል ሞተው ህዩ ነምር ገብእ?

ምነ እት በርናጅ ፋጎጾት እብ ክርን ለትቀደመ፡ ዲብ ወሬሕ 6/2025 መሐመድ እድሪስ ምስል ምን ገዳይም ስነን ነቅፈ ላቶም አሰይድ መሐመድ ሐሰን ከንቴባይ፡ አሰይድ መሐመድ ዐብደሰ እድሪስ፡ ዝያደት እብ ገንሽሪ ልትአመር፡ ክምስልሁ መ ከንቴባይ ዐሊ ወድ ከንቴባይ ዐሰማን ህዳድ ዲብ ቤት ከንቴባይ ዐሊ እብ ክርን ለወደየ መቃበለት፡ እብ ክቱብ ዲብ ዓሙድ ፈን ወግዳት እግል ንትናወላቱ። እግልሚ ለማሌ ዲብ ነቅፈ ለዐለ ዓዳት ወለመድ ክምስልሁ ውላድ ነቅፈ ለዐበው እቡ አደብ ሰኒ፡ እግል እሊ ናይ የም ጂል ሐዲስ መስል ሰኒ እግል ልግበእ ሰበት ቀድሮቱ እት ሰፍሐት ዓዳት ወፈን እግል ንትናወሉ ለሐፊ። ከእግል የም አወላይ ክፋል፡

እሊ ዲብ እሊ ሰፍሐት ለእንርእየ ናይ በዲር ሰወር ድጌ ነቅፈ ዲብ ሰነት 1933 እብ ወድ ጀርመን ካርል ትሮል (Carl Troll) ለልትብህል መሰውር ለትሰውራቱ። ካርል ትሮል እሊ ሰወር እሊ ሰውር ለዐለ ዲብ ድወል ምፍጋር ጸሓይ አፍሪቀ ዲብ ልትሐረክቱ ታሪካይ ሰወር ሰውር ለዐለ።

እብ ፍንቴይ ዲብ ኤሪትሮየ ዲብ ብዘተሕ አካናት እንዲ በጽሐ ለትፈናተ ሰወር አዳም፡ ሐዋን፡ ወምድር ሰውራ። እተ ካርል ትሮል ዲብ ኤሪትሮየ ልትጀወል እቱ ለዐለ ወክድ ኤሪትሮየ ዲብ ሐንቴ እስትዕማር ኢጣልየ ዐለት።

ድጌ ነቅፈ እት ሰነት 1933 በህለት ቀደም 92 ሰነት ሚ መስል ክምስል ዐለ፡ ንድቀ አብያቱ ልግበእ ወለብሰት አዳሙ፡ እብ ፍንቴይ ሰብ ተብዕን ሚ ለብሶ ክምስል ዐለው፡ ለዲብ ባካት ባቅል ለዐለ ዕጩይ ሚ ኖዕቱ፡ ዲብ ካርል ትሮል ለወሰወረየ ሰወር ባይን ህለ። አብያት አትክል፡ መዕደኒታት፡ አብያት ተካይብ ወመረበዓት ወአትሸዐት እብ ዋዲሕ ዲብ እት ሰነት 1933 እብ ካርል ትሮል ለትሰወረ ሰወር ድጌ ነቅፋ ቱ።

መሐመድ ከንቴባይ ሐሰን

ይዐለት። ድጌ ትትብህል ዐለት። ክሉ አሰማይ ሕለል ባካት ነቅፈ ልግበእ ወመባትክ ናይል መዲነት ምን እሊ የም ለህለ ለትፈንታቱ ለዐለ። እግል መስል የም ነቅፈ ሐይ ሐቱ ወሐይ ክልኤ እንዲ ትብህለት ዲብ ክልኤት አሕየእ ዐባዩ ኩፍልት ምንመ ህሊት፡ ዲብ ሐልፈ ሰኒን ላኪን ነቅፈ፡ ቀሮት ሻውሽ፡ ቀሮት እዛዝ፡ ቀሮት ጀሰር፡ ረከቡ አባረረ፡ ደገ-ዐድ እንሰ ወቀሮት ዐድ እድሪስ ልትብህል ዐለ። ባካት ነቅፋ መ ቅርንጀሐት፡ ጠብረ፡ እምባልቀ ሼክ-በረሰሊ፡ ሼክ-ተሰሊ፡ ምፃ ወለመሰሉ እግል ልትህደግ ቀድር።

አሰይድ መሐመድ ከንቴባይ ሐሰን ግሪ እንዲ አቅበለ እብ ሰበትለ ናይ ማሌ ነቅፈ ዲብ ልትሃጌ ክእነ ልብል፡

“እነ ነቅፈ ዶል አሌሌት ዲብ መዲነቲት ንኢሽ ዐለት። ለዲብ ዐለ ደካኪንመ እብ አጫቤዕ ለልትዐለብ ቱ። እግል መስል እተ ወክድ ለህይ እሊ መዲነት ነቅፈ ምን ክልኤት ሰፍ ትትክወን ዐለት። ለሰፋፊ ህይ መባትኩ ክምስል እሊ እዜ ለህለ ምን ግብለት አሰክ ቅብለት እንዲ ኢገብእ ምን ምውዳቅ ጸሓይ አሰክ ምፍጋር ጸሓይ ገጹ ክጠጥ ዐለ። እሊ



ከንቴባይ ዐሊ ከንቴባይ ዐሰማን

እቱ ወክድ ለዐለ ደካኪን ነቅፈ ክእነ ክም እት እዜ ብዘተሕ ይዐለ። ለዲብ ነቅፈ ዐለ ደካኪን ህይ ናይ ከረ ዐሰማን ናውድ፡ ዐሊ ሕመድኖር፡ ህክል ዐድ ዐቅባይ ወክብት ዐለው።

እምበል እሊ ዲብ ከርስ ነቅፈ ሽዑብ ነቅፈ ለሰቱ ምነ ዔል ዲብ እሊ እዜ መንተዘህ ለህለ እተ አካን ዐለት። እዳረት ናይል ዔል ህይ እስማዒል ስምጢ ጸብጠ ዐለ። እሊ ዔል እሊ ለሰካነ መዲነት እብ ጀራድል እንዲ መጽአው ሰቱ ምነ እት ህለው፡ እግል ቤት መፈትሽ ሌጠ እንዲ ትብህለ መዋሲር ዋድያም ዐለው። ለመቶር ምነ ዔል ገልል ወእብ ዐነድር ዲብ ቤት መፈትሽ ለዐለ እተ አካን በጽሕ ዐለ። እሊ ቤት መተፈትሽ እምብለ ለህሊን ለበላሲኖ ለትባበረት ቱ። እሊ ቤት እሊ ምነ እዜ እዳረት ለብእተ አካን ወእንዜ ዐለት።

ከህረበት መዲብ መዲነት ነቅፈ ዐለት። እሊ ከህረበት እሊ እግል ቤት መፈትሽ ወእግል ጃምዕ ሌጠ ክድመት በርህት ተህይብ ዐለት። ለሞቶሪስቲ ናይል ጀነሬይተር መሐመድሰዒድ ዓምር ልትብህል። ሐመድሰዒድ ዓምር ዲብ መቶረ ከህረበት ለአሸርፍ ዐለ።

እተ መደት ለህ መፈትሽ ለዐለ ዐሰማን ሻኒኖ ወህዳድ ከራር ዐለው። አቡዬ አፕረይተር ናይ ተለፎናት ዐለ። ለወክድ ለህይ ለዐለ ተለፎን ክምስል እሊ ናይ እዜ ጀው እንዲ ኢገብእ እብ ፓሎታት ልትመደድ ዐለ። እሊ ተምዲድ እሊ ህይ ምን አሰመረ እት ከረን ወምኑመ አሰክ ነቅፈ እትባል ዐለ። ለወክድ ለህይ ለትጃር አሰክ ከረን እግል ለአተሰሎ ሐዘው ምንገብእ፡ ዲብ ደገገት 90 ሳንቲም እንዲ ደፍዐው ለአተሰሎ ዐለው። አድም ለልትብህል ህይ ተለፎናት ለለአሰኒ ዐለ። አድም ዲብ ፎቃዩ ለረፍዑ ተለፎን ወአላት አሰነዮት ዐለ እሊ። ህቱ ለመንጠቀቱ አሰክ ክብክብ ቱ። ምን ክብክብ ኬን መወዘፍ ብዕድ ዐለ። ዲብ እሊ ሐን መራቀቡቱ ለዐለት መንጠቀት እት ደውር



አሰይድ መሐመድ ከንቴባይ ሐሰን

እግል አኩት ሰልክ ለአሰኒ ዐለ። እሊ ህይ ምር ምነ ዲብ ወክድ ለህይ ተለፎናት ክእነ ክም የም ሞባይላት ውብዕድ እንዲ ኢልጠወር ለሐሰት ክድመት



አሰይድ መሐመድ ዐብደሰ እድሪስ

ዐለት እግል ልትብህል ቀድር። ሐቅ እሊ አቡዬ ዲብ መሕመት ነግለው። ወዲብ ነቅፈ ወክረን ክምስል ቃዲ እንዲ ገብእ እግል ልሸቄ አንበተ።

ምን ሕላይ ቀዳምያም

ምን ሐልየት ክልኤ ማርየ፡

ምነ እት ሰነት 1913 እብ ነፈዕ ወድ ዕትማን ወኢኖ ሊትማን ለጠበቦ ክታብ ሐይለት ትግረይት፡ 717 ለትፈናተ ሐልየት እብ ለትፈናተው ሐልየት፡ ምነ ትፈናተ ገባይል አው ዐዶታት ክቱብ እቱ ህለ። ከእለ ዝሕረት እለ እት ጀሪደት ኤሪትሮየ ሐዳስ እግል እሊ እዜ ለህለ ጂል ቀደም አምኡት ሰኒን ልትብህል ለዐለ ሐልየት ጀላብ እግል ለአምር፡ ምዕል ከምን ሕላይ ዐድ ምር እትለ ሰፍሐት ዓዳት እግል ንዋበዕ እኩምቱ። ምናት ዲብ ሕላይ ምነ ህለ ከሊማት አው ቃላት ሰሩ ሰበት ኢነአምሩ፡ ቁርኣት እሊ ዓሙድ ተርጀመትለ ከሊማት ዐባዩ ወአምራም ዲብ ትሰኣሎ ተፍሲሩ ዲብ ዓሙድ ፈን ወግዳት ጀሪደት ኤሪትሮየ ሐዳስ እግል ትንደኣ ዲብን ንትወሰ።

ኦሚ ወድ አርበድ እብለ ፍጡር (መክለቀ) ዲብ ልትወጀብ ለቤሉ፡

ትትፈሌ እዲን እት ትርኤመ ኢትእመን

እክል መጽእ ምን ምድር ምን ሐን ሐጻ ወእበን

ሐሊብ ምን ደም ልትዓሬ ወሕኖት ምን ሚ ትትመወን

እዲነ ሐላፊት ተ ጎረት ታርፈት ተ እት ድመን

ለገሮብ ቀለሚ ቱ ወለንሳል መደወን

ነዋድ ምን ዐድ ልትገሌ ወዲሞር ትትበር እት ከደን።

ቅብላቱ ህይ መሰመር ወድ ገዳይን እግል ኦሚ እግል ንሰዳክ ቦሉ እንዶ ቢል እለ ሐሉ፡

ሰልም ወለት ሐውርየ ወአብዬ ሰዲቅ ፈቂሩ

መላትሐ ወገጸ እብ ቀለሙ ቱ ወእብ ሊሉ

ሐንዋት ለእሉ መኔክ እብ ሚ ህለ ነቢሩ

አዩ ዓልም ንሰአል ቡ ኢረከብከን ፈኪሩ

ሐሊብ ምን ደም ልትዓሬ ምን አፍ ለሕሊሉ

እክል መጽእ ምን ምድር ግንሐ እሊ በቂሉ

ውላድ አንበጠ ምን ሐን ሐጻ ቱ ነፊሩ።

ለገሌ ሰክብ ልትመዩ እንዶ መልእ ከርሸቱ

እት ጽንዕ ለሞላዱ ወእብ ጽጋብ ለሐረቱ

ሐቱ ወአቲት ህዩቦ ምንመ ትብዘኡ ደርገቱ

ትብል ረቢ ልርሐሞ ለሃመ በለዕ ቃብረቱ

ለገሌ ተርህ ልተመዩ ረቢ እብለ ፈርህቱ።

ዓማት ክታብ ሐይለት ትግራይት 1913

ፍርቀት ዓዳት ሐብብ 1930ታት




ነቅፈ (1933)

ወመሐመድ ዐብደሰ እድሪስ የም ዕምሮም ዝያድ 80 ሰነት ባጽሕ ህለ። ነቅፈ ማሌ ሚ ትመስል ክምስል ዐለት ህይ ዝያደት ክሉ ለለአምሮ ህቶም ቶም። ከንቴባይ ዐሊ ምን ሰልሲቶም ለልንእሽ ምንማቱ ህቱመ ምነ አሌለ እቱ ዘበን እብ ክሰሰ ነቅፈ ወጀላሊ፡ ናዩ ዝክርያት ቡ።

አማንቱ ነቅፈ ማሌ ክእነ ክም የም መዲነት ዐባይ

ለሱግ ገብእ እት ህለ ለሰከንመ ዲብ አድብር እብ መረባብዕ ወአትክል ለትሸቀ አብያት ዐለ እተ። እብ ፍንቴይ ለአትኩል እግል መወዘፊን ለምን ከረ አሰመረ ውብዕድ አካናት ለመጸኦ እግል ልስከኖ እንዲ ትብህለ ሸቁይ ዐለ። ለወክድ ለህይ ሕነ ነኦይሽ ዲብ ሕነ ለዐሬነ እቡ፡ ነቅፈ እብ ዕጩይ ቅልንቃል ወግሬ ውብዕድ ክልብት ዐለት። እተ ሕነ አሌሊን



አቅሊም ምግብ፡ ፈዳብያም መተልህየት ወመደርበት ጀዋእዝነስኡ

ፈደሬሽን ኮበራት እግር አቅሊም ምግብ፡ እት ሄለል ኖሽምበር እት ሱፐር ድቪዝዮን 'ኤ' እትሊ ምውስም ርያደት ለሐሰው እንዴ ትበሀለው እግሉ ተሐረው መተልህየት ወመደርበት ፈዳብያም፡ ለወጅቦም ጀዋእዝ ሀብ፡

እለ ፍንቲት ወእግል ሰልፍ ኢነት ለገአት መናሰበት አትእማር፡ እት ቃዐት እዳረት አቅሊም ምግብ ለገብአት እት ገብኤ፡ እግሉ እድንያይ መሕበር ኮበራት እግር -ፊፋ ለልትነፊዕ እቡ አግቡይ መዘን ወሂበት ጀዋእዝ መተልህየት እግል አስበቀት ለህፋ ተ።

እት ገብአ አግቡይ ሕርያን፡ እሰልፍ ልጅነት ቱክኒክ ናይለ ፈደሬሽን እት ክል አካን ለሐሰው ለቴሌቶም ሰለስ መተልህየት ሐራት። ለመደርበት ህይ፡ መተቅብለት፡ ሰሕፍዩን፡ ዳይናታት፡ ሀይኣት መትምመት አሽቃል ወልጅነት ቱክኒክ እበ ሀበወ ተሰዊት ቱ ለተሐረው።

እብሊ ህይ፡ ምን አዋልድ፡ ሓርሰት ፈሪቅ ተእሚናት ሚሪሮስ ብርሃኔ ለሐሰት ሓርሰት፡ መሃጅማይት ተእሚናት አርሴማ ተክሊሀይማየት ለሐሰት ሰእየት ለበ መተልህየት፡ ወምን ፈሪቅ ደንደን መኬፍላይት ምግብ-ሚዳን ፍትሓዊት የውሀን ለሐሰት መተልህየት እንዴ ገአየ ጀዋእዝ ነስአየ። መደርብ ፈሪቅ ተእሚናት ምክኤል ጠግሜ፡ ለሐሰ መደርብ አዋልድ ሰልፋይ ድቪዝዮን እንዴ ገአ ተሐረ።

እብ ጀሀት ውላድ፡ እግል ጀዋእዝ ለሐሰ ሓርሰ ናይ ደንደን ክብርም ሰለሙን፡ ምን ናዲ አ'ተሕረር ያሲን ዳውድ ወምን ፈሪቅ በሐር ቀየሕ ዐወት መሐረና ተሐረው። ክብርም ሰለሙን ህይ፡ እብ 88.2 ምእታይት ሓይሰ ሰነት ተሐረ ከለጃእዝት ሕሽመት ትከበተ።

እግል ጃእዝት ለሐሰው መተልህየት ለተሐረው ምን ፈሪቅ ደንደን ናህም ታደሴ፡ ምን ፈሪቅ በሐር ቀየሕ መድሃኔ ረድኢ ወምን ፈሪቅ ደንደን ሴም ተኪኤ

ዐለው። 82.2 ምእታይት ክርን ለረክበ ናህም ታደሴ ህይ ተዐወተ። መሃጅም ፈሪቅ በሐር ቀየሕ ስምኡን አስመላሽ ህይ፡ እምበል መትጃግር ጃእዝት ናይ ለበዝሐ አግዋል ለአተ መተልህየት ነስኡ።

እት ጃእዝት መደርበት ህይ፡ ሳምሶን ሀብቴማርያም ምን ፈሪቅ ደንደን፡ ዩራን ኪዳኔ ምን አልተሕሪር፡ ኤርምያስ ተወልዴ -ምን በሐር ቀየሕ፡ ለሰለስ ርሹሓም ገአው። 82 ምእታይት ክርን ለረክበ ሳምሶን ሀብቴማርያም ህይ፡ ለሐሰ መደርብ ናይ እሊ ጅግራታት-ርያደት ሐል ጋብኦ ሀለ።

እምበል እሊሙ፡ እብ ሸክል 4-3-3 ለልተል። “ፈሪቅ ትምኔት-ሙስተቅበል” ምን ክልኢቱ ውላድ ወአዋልድ ቄመ። ምን አዋልድ፡ ሓርሰት ተእሚናት ሚሪሮስ ብርሃኔ፡ መዳፍዳይት አድያም አቶብርሃን፡ ሐበን ጎይትኦም ወሼኑስ ሀይሌስላሴ ምን ደንደን፡ ሮዳስ ትኩኦ ምን ፈሪቅ ሸርከት ብነኦ ሰገን፡ መኬፍለት ሄርሞን እየብ ወፍትሓዊት የሆነስ ምን ናዲ ደንደን፡ ሹሻን መብራህቱ ምን ፈሪቅ ገጀረት፡ መሃጅመት አርሴማ ተክሊሀይማየት ወፍትሓዊት ማጆር ምን ናዲ ተእሚናት፡ ፍቃዱ ገዳሙ ምን ናዲ ደንደን ተሐረየ፡ ናዲ ደንደን ህይ ሰስ ምን መተልህየት ላተን አዋልድ ሰበት ተሐረየ ምኑ፡ ዝያደት ለአሽብረቀ ፈሪቅ ዐለ።

እት ናይ ውላድሙ፡ ሓርሰ ደንደን ክብርም ሰለሙን፡ መዳፍዳይ የሴፍ ጸጋይ ወናህም ዐወት ኩሎም ምን ናዲ ደንደን፡ ናትናኤል ተስፋማርያም ምን መአሰስት ነጃረት ወሕዳደት ሰምበን፡ ሄኖክ ርእሶም ምን ናዲ በሐር ቀየሕ፡ መኬፍለት ምግብ-ሚዳን ናህም ታደሴ ወሴም ተክኤ ምን ደንደን፡ መድሃኔ ረድኢ ምን በሐር ቀየሕ፡ መሃጅም ሴም መድሕን ምን ናዲ ደንደን፡ ቤንሁር አማንኤል ምን በሐር ቀየሕ፡ ወሴም መብራህቱ ምን መአሰስት ሰምበል፡ ለከምክም ፈሪቅ ተሐረ። እት ናይ ውላድሙ፡



ፈሪቅ ትምኔት-ሙስተቅበል አዋልድ

ናዲ ደንደን እብ ሰስ መተልህየት ለበዝሐ አካናትለ ፈሪቅ-ሙስተቅበል ጸብጠ። አግደ መትጃግራዩ ላቱ ፈሪቅ በሐር ቀየሕ ህይ፡ ሰለስ መተልህየት ሕሩያም ምኑ ሀለው።

እምበልሁመ ሰልሰለስ ዳይናታት ምን ሰብ ወአንሳት ጀዋእዝ ነስኡ። ምግባይት ዳይነ ሰብና ሰመሬኣብ፡ ሴድያይት ዳይነ ምግባይት ኤልሳ የውሀን፡ የሳን ካሕሳይ ወአልማዝ ዐቅጣማርያም ትሰርገዩ።

ምን ናይ ውላድ ትልህያታት ለልሐክም ዳይናታት ህይ ምግባይ ዳይነ ቢንያም በርሄ፡ ምን ሴድየት ዳይነ ኢዮቤል ሚክኤል፡ የውሀን ተወልደዴ ወሄኖክ ተስፋሚካኤል ጀዋእዝ ናይለ ሐሰው ሕክም ሰልፋይ ዳቪዝዮን አቅሊም ምግብ ሰነት 2025 ጃቀፈው።

ኮበራት እግር ዐድነ እት ሕሽመት ቀዳሚት ጀላብ እግል ተአቅብል፡ ፈደሬሽን ኩረት እግር አቅሊም ምግብ፡ ዋቅያም መተልህየት ወሕካም ጀዋእዝ እቡ ሰጅቶቱ ብዝሓም መተልህየት እግል ልፍረው ለዋሴ ወቀይ ሕሙድ ቱ።



ሕሩያም ሕክም ኩረት ጸገሮ



ሕሩያት ዳይናታት

አቁርደት፡ እድንያይት አምዕል አምፒክትዘከረት

እድንያይት አምዕል አሊምፒክ፡ ሰብ-ሰልጠት ሕክሙት ወጀብህት፡ ክምስልሁመ መስኡሊን ወወካይል ወጠንያይ ወናይ መንጠቀት ፈደሬሽናት እት ሐድረው ዲቤ፡ እት ሄለል ኖሽምበር እብ ደረጀት ወጠን እግል 16ይት ኢነት እት አቁርደት ትዘከረት።

ርኢስ ወጠንያይት ልጅነት አሊምፒክ ኤረትርየ አሰይድ ሚክኤል ተክሊሚካኤል እት ሓለፈየ ልእከት፡ ለዘከረት እት አቁርደት ምን ገአት፡ እግሉ አቅሊም ጋሽብርክ ናይ አሊምፒክ እትሌታት እት አፍረዮት ለአግደዩ

ዶር ወእበ ለቡቱ አርዛቅ ርያደት ሕሽመት እግል ሂበት ክምቱ ሸርሐ።

ሙዲር ዓም ቅሰም ዓዳት

ወርያደት ጋሽበርክ አሰይድ እድሪስ ሳልሕ እብ ጀሀቱ፡ ለበርናምጅ መስኡልየት ለለአጸውር ክምቱ እት ሸራሕ፡ መሻርከት አቅሊምም

እት ናይ ወጠን ወናይ ዓለም ጅግራታት እማካት እንዴ ትከራት እቶም ወደማን እንዴ ተሀየበው፡ ሰሜቶም ወሰሚት ወጠኖም

ለልአሰሙ አትሌታት እግል አፍረዮት እብ መትሐሳር ክም ልትጸገሞ እቱ አከደ።

እት ደንገብ፡ ሓክም አቅሊም ጋሽብርክ ሰፊር መሕሙድ ዐሊ ሕሩይ፡ እብ መናሰበት እድንያይት አምዕል አሊምፒክ ለትቀደመ ክቱብ-በሐስ ወአጅሀዘት ሕክሙት ወመዐየ እግል ልንሰእወ ለወጅብ ምስዳራት ለወዲሕ ክምቱ እት ለአፍህም፡ እት እድንያይ ጅግራታት ፍድብና ለልአርኡ ሸብብ እግል ልፍረው፡ መዐየ ለአሳሱ መባደራት ርያደት እግል ልትነሰኦ ትፋኑ።



እግል ደገልል ለልጅቱሐዙ ቅዝቃዜ

ቅዝቃዜ ለሰዎች ነበራት እግል ደገልል ምን ነፈር እት ነፈር ምንጣል ልትፈናቱ፤ ዓመተን ዶል እንርክ። ለደህረ ካሎ ለቡ ክመ ደረጃት ሐረከት ክል ድግለል እት አምዕላይ ጠለባት ሐሊት ለክፊ። እግል ልግባእ ክም ቡ ለልትአመር ቲ።

እሊ ክእነ እት እንቱ ድግለል ልግበእ ወብዕድ ነፈር እት አምዕል ለልትሐዝዩ ዐደድ ቅዝቃዜ እምበል ሺታሚን ዲ ቅያሱ አክል ሕድ እግል ትምዘቱ ለልትቀደር ኢትን። እብ ፍንቱይ ህዩ ዕምሮም ምን ለዐል 65 ሰነት ለገብእ እግል ትሐድድ እሎም ኢልትቀደር።

ኦሮ ነፈር እት ለዐቤ እት መጽእ እቱ ወክድ፤ ሐረከት ገሮም ሰበት ትውሕድ ሐሊት ለልህይዩ ነበራት ጠለባቶም እት ነቅሰ ገይሱ። እሊ በህለት ህዩ፤ ሐዳይ ካርማይድረይት ለአትሐዝዩም እት ህላ፤ ናይ ፕሮቲን፤ ሺታሚን ወመዓድን ጠለባት ቅያሱ እንዲ ኢነቅሰ ክመ በዲሩ ለአተላላ። ሰበት እሊ፤ ደገልል እብ ሺታሚን፤ ፕሮቲን ወመዓድን ታጅራም ላቶም ቅዝቃዜ ክም ከረ ሰን፤ ዓሴ ቤጭ፤ ሐሊብ፤ አካል፤ ፍሬታት ወሐመሊት እግል ለትመወኖ ወጅብ።

እት ምን ለዐል 50 ሰነት ለዕምሮም አንፋር ህዩ ቅያሱ ፕሮቲን እት ሰብ ተብዕን ሐድ ነቅሱ፤ ምናተ እት አንሳት ብዘሕ ነቅሱ፤ ጠለባት ሐሊት ለልህይዩ



ቅያሱም ሰበት ነቅሱ፤ ዐደድ ናይሊ ውቁል ጽብጥ ፕሮቲን ለሰዎ ቅዝቃዜ እት ተብዕን ልግባእ ወእት አንሳት እግል ልወሰክ ወጅብ።

ሺታሚን ዲ እት አትመቃርሐት ጽብጥ ካልሺዩም ምህም ሰበቱ ቲ። እግል ዓፍየት ዓፍሞታት ተረት ዐባይ ቡ። ዕምሮም ምን 65 ሰነት ወለዐል ላቶም አንፋር ሺታሚን ዲ እግል ልንሰእ ወጅብ። እምበል ሺታሚን ዲ እብ ብዝሐ ዜድ ለልትረከብ እቶም ነበራት ክም ዓሴ ቤጭ ወጨፎት ለመሰሎ ብልዐት ኔፍዓይ ቲ።

ብዕድ ደገልል እግል ልንሰእዉ ለወጅብ ካልሺዩም ቲ። እሊ ህዩ ምስል ዕቢነ ለመጽእ ሕምቅነ ዓፍሞታት ዓፊፊ። ሰበት እሊ፤ እት ወቅት ሸበትን እንሰኡ ለዐልነ ዐደድ፤ ሐሊብ ወፍገራት ሐሊብ ላቶም ነበራት ምን አግደ ዓማት

ካልሺዩም ቶም። ትቀደረ ምን ገብእ እት አምዕል አሰክ 700 ሚ.ግ ለዐደዱ ካልሺዩም እግል ንትመወን ወጅብ።

ሐዲድ (ሐዲን) እግል ኖሱ እት ሸቅየት ቀይሒት ሴላት ደም ወአብጽሐት አክሰጃን እት ገሮብነ ተረት ዐባይ ቡ። እት ዐምዕላይ ነብራነ እግል ንንሰኡ ለውጅብነ ቅያሱ ሐዲድ፤ እት ምን ለዐል 50 ሰነት ለዕምረን አንሳት ነቅሰ ምናተ እት ሰብ-ተብዕን ክም ቀደሙ ለአተላላ።

አንሳት ዕምረን ምን 50 ወለዐል ዶል ገብእ ዓደት ሰበት በጥር ምን፤ ለእሉ ከሰረ ሐዲድ አለበን። እት ደንጎበ ክል-ነፈር ልዕቤ ልንአሸ ለትመዘነት ነብረ ክም ለአትሐዝዩ እሙር ቲ። ምናተ ምስል ዕምር ክም ልትፈናቱ ለአርኤ።

መዕሉማት

- ለሬመ ሐርብ ምን 1330-1453 ለገብእ እት ገብእ፤ እሊ ሐርብ እሊ እግል 125 ሰነት እት ፍንጌ እንግሊዝ ወፈረንሰ ለገብእ ቲ።
- ለሐጭረ ሐርብ እት 27 ኦገስት 1896 እት ፍንጌ እንግሊዝ ወዛንዚባር ለገብእ እት ገብእ፤ ለሐርብ 38 ደቂቀት ሌግ ከልኡ።
- እት 1882 ናፓልቶን እግል ሩሰዩ እት ወረ እቱ ወክድ ምን እት ለዐለው 500 አልፍ ዲሽ እብ ሰበብ ሕማም ቲ። ወብዕድ ለለዐዲ ሕማማት 3 አልፍ ለገብእ ሌግ ምን ዲሽ አሰክ ዓዶም አቅበለው።
- እት ፈረንሰ ወእብ ዓመት እት ዓለም እሙር ወሓጥር ላቱ ሚርሓይ ሐርብ ክም ቲ ለልትአመር ምን ደመሚት ፈርህ ዐለ።

ሰላሳተ-ቲክቲ 11/2025

ስም	ታኪ
1. ለትዳፌዕ እበ አለት	2. እንሉብሱ
3. ምን ደገቢት ናሮ	3. ለኢለአምር
6. ቤት እቱ (ዐድ እቱ)	4. ነብራነ ነጥዕም እበ
7. ዐዶ	5. ዶል ሐዘን ለልዘበጥ
9. ሰሚት አምዕል	6. ማይ ጅብብ ምን
10. ብዕራይ ነላት	7. ምን መንዱቅ ለፈግር
12. መስከን	9. ሰልፍ
13. ዐቅል	10. ምን ጅንሰ ዕጩይ
15. ምን ጅንሰ ዕጩይ	11. ህመም
16. አመሕባር	14. ምን ጅንሰ እክል
17. ወድነ	15. ለዐቤት ሰፊረት
19. ሕዱድ	18. ህጃክ
20. ምን ደዋዩሕ አፍዐበት	20. ሸዐብ
22. ዋልዳይት	21. ትደምደመ
23. ህዋዩ ድወል ከሊጅ	22. ዲብ
24. አክ (ትባላሽ)	23. ሸንገለ
25. ለነአሰር እቡ እብ ግረ	

ፎንቲይ መጥዐም ጅጅቂባም



እት መዲነት ፓሪስ ፈረንሰ ለህለ እት ከርስ ጽልመት ለሸቂ መጥዐም ሕጃባም እግል ሕጃባም ሌጠ ክድመት ለልህይብ እንዲ ኢገብእ፤ ለልርኡ አንፋርመ ሐያት ሕጃባም ሚ ክም መስል እግል ለአምሮ ለገብእ ቲ።

እሊ ለጸልመተ መጥዐም (the darkest restaurant) ክድመት ትልህዩ ላሊ ለልህይብ እት ገብእ፤ እት ጅወ ጽልመት ቲ ዘበይኑ ለልትከበት። ክሎም ዘባይን ናይ



መጥዐም እሊ ህዩ ሕጃባም ቶም። ላይተር አውመ ክርቢት ወለዶት ኢልትሰማሕ። ምን ዕንታት ወኪን እብ እደይክ እግል ትተምትም፤ እብ አንፍክ እግል ትጽኑ፤ እብ እዘንክ እግል ትሰመዕ ወእብ ንሳልክ እግል ትጠምጥም ትቀድር፤ ምናተ እብ ሰበብለ ጽልመት ረኢይ ኢህለ።

እቲባምን ሐቲ ፍይከሰል (Lazy) ከምዕል መንፈሳት ክም እንረክብ ምን ልቲሸረክ

ሐቲ ናይ ከሰል አምዕል እት ሳምን ምን መደሃር ደቅጥ ደም ወእግል ረዩም ወቅት እብ ዓፍየትክ እግል ትንበር ትሰዱ። ከሰል ምን ትሉሉይ መትሐራክ ዕርፍ ናይ ሐቲ አምዕል ክም ረክብ ወዲ። እት ክምስልሁመ ሸቀላት ወሆማት ክም ነቅሰ ወእብ ክትር ሸቅል ወክድመት እት ገሮብነ ወፍክርነ ለልትሰበብ ነቃሰ (መሻክል) እግል ሀወኖት ሰዱ።

እምበል እሊመ እት ሀወኖት



Lack of Motivation: Laziness? Or Fear in Disguise?

ሐሩቀት ወአሻይር መትረባሸ እግል አንቀሶት ክም ሰዱ ልትሸረክ። ክምስልሁመ እት ሓያትክ (መስተቅበልክ) ብዘትሕ ሰእየት እግል ትውዱ ሳዕድ። ከእብሊ ከሰል ክም ለመድ እንዲ ትነሰኡ እግል ልብዘሕ አለቡ እት ኢትን፤ ናይ ሐቲ አምዕል ከሰል (ዕርፍ ታመት) እግል ዐቅልየትን ወዓመተን እግል ዓፍየትን መንፈሳት ክም እንረክብ ምን ልትሸረክ።